

~~V22.~~
Ci I.M.





ASSERTOR LIBERTATIS
UNGARICÆ,
DALMATICÆ,
CROATICÆ,
^{ET}
SCLAVONICÆ,
ANDREAS II.
R E X
HIEROSOLYMITANUS:

Secundūm lineamenta Codicis Le-
gum Ungaricarum, & præcepta Artis
Critica, calamō Juridicō, & Historicō

Bibliotheke adumbratus; *Confir. S. C. L.*
P. L. FarinjAC

E R U D I T I S
HORUM REGNORUM,
Vicinarūmque Provinciarum, præ-
fertim verò DD. JCtis, honorificè
oblatus.

FRANCISUS FRANCISI
ILLITUS EP. CONVENTUS Quinque-Ecclesiensis

CASSOVIAE,

Typis Academ. Soc. JESU, Annō MDCCLII.



D U M
A S S E R T I O N E S
D O G M A T I C O - T H E O L O G I C A S
D E

D E O U N O , E F U S Q U E D I V I N I S
A T T R I B U T I S

P r i n c i p i i s J o a n n i s D u n s S c o t i a c c o m o d a t a s

s u b

G R A T I O S I S S I M I S A U S P I C I U S

A D M O D U M R E V E R E N D I
D O M I N I

F R A N C I S C I
K O R B A C Z ,

Ecclesiæ S. Margaritæ V. & M. in Pellerd funda-
tæ , & Filialium eidem canonice unitarum Paro-
chi Vigilantissimi , Domini Patroni , ac Mœ-
cenatis Munificentissimi .

Anno 1771. Mense Junio , publice propugnarunt
Qvinqve-Ecclesiis in Ecclesia Fra-
trum Minorum Regularis Observantiæ S. La-
dislai Regis Alumni

V V . P P . T O B I A S T A L A N ,
E T

M A T T H Æ U S P F E I F F E R
S S . T h e o l . S t u d e n t e s G e n e r a l e s .

S U B A S S I S T E N T I A

P . H O N O R I I S Z I T A ,
E f u s d e m I n s t i t u t i & S t u d i i L e c t o r i s G e n e r a l i s .

A U D I T O R I B U S O B L A T U M .



ASSERTIONES DOGMATICO-THEOLOGICÆ.

I.

Supremi Numinis existentiæ notio in uno quoque hominum intime a natura impressa est, adeo,

II.

Ut homo quantumvis agrestis, & barbarus, aut in sylvis enutritus (si plenum rationis usum adeptus est) longiori saltem tempore existentiam DEI inculpate ignorare nequeat.

III.

Proinde invisibilia DEI per ea, quæ facta sunt, a creatura mundi adeo intellecta conspicuntur, ut contra *Atheos* Epicurum, & Spinosam, DEUM reipsa existere invicte demonstretur a posteriori pluribus argumentis.

IV.

Cum autem juxta S. Augustinum nullus certo inveniri possit, qui hoc DEUM esse credat, quo melius aliquid est: hinc divinam naturam physice inspectam in sola perfectionum omnium adulatione sitam; metaphysice autem consideratam in omnimoda *Affinitate* reponendam esse opinamur.

V.

Quod si DEUS est ens perfectissimum, ita necessario unicus agnosci debet, ut alterius consor-
tium

tum nullatenus unquam pati possit. Quamorem turpiter ipsius DEI ideam commutarunt *Polythei*, qui plures Deos venerabantur, & *Manichæi*, qui duo rerum increata principia confixerunt.

VI.

Insanus fuit error *Antropomorphitarum* DEO humani corporis figuram tribuentium: DEUS enim ita est simplex, omnisque compositionis tam physicæ, quam metaphysicæ expers, ut in illa nulla possit cogitari compositio.

VII.

Proinde inter attributa divina ad essentiam comparata excludimus distinctionem realem, solumque statuimus, distinctionem Scoti ex natura rei formalem cum distinctione *Gilberti Poretani* minime coincidentem.

VIII.

DEUM esse immensum, rebusque omnibus intime præsentem, non tantum cognitione, & operatione, quemadmodum contendebant *Valentiniani*, *Gnosti*, & *Vorstius*, sed per suam essentiam & substantiam clamat Psalmista Psalm. 138, dicens: *Quo ibo a spiritu tuo? & quo a facie tua fugiam? si ascendero in cælum tu illic es, si descendero in infernum ades.*

XI.

Habet æternitatem sibi propriam, quæ nulli creaturæ communicari potest, nullique subjacet temporis successioni, aut differentiæ contra *Socinianos*.

X.

X.

Habet infinitatem in omni genere perfectionis.
Magnus enim est, & laudabilis nimis, & magnitudinis ejus non est finis. Psalm. 144.

XI.

Summam immutabilitatem DEO convenire defendimus, etiam quoad decreta libera, quæ creaturas respiciunt.

XII.

Et quamvis in concilianda libertate DEI cum ejusdem immutabilitate multum hæreat humana ratio; utrasque tamen perfectiones in ente simplicissimo amico fœdere conjungi demonstramus: dum afferimus DEUM formaliter constitui liberum per ipsum actum entitativum & infinitum divinæ voluntatis, quatenus tendit in objecta contingenter futura, vel existentia, eaque connotat in obliquo.

XIII.

Dari in DEO scientiarum Domino vere & proprie scientiam propugnamus contra illos impios, quorum blasphemiam notat Psalmista Psalm. 72. qui dixerunt: *Quomodo sit DEUS? et si est Scientia in excelso.*

XIV.

Hac scientia cognoscit DEUS perfectissime non tantum, seipsum suamque essentiam tanquam objectum primarium, & motivum, tum ad sui, tum ad aliorum cognitionem; sed etiam creaturas omnes tam possibles, quam existentes.

XV.

Videt quoque, & infallibiliter cognoscit omnia futu-

futura libera, tam absoluta, quam conditionata, quin tamen ex hujusmodi præscientia inevitabilis contingentium eventus consequatur.

XVI.

Unde ad vendicandam in DEO omnium omnino scientiam non requiritur scientia media; sed sufficit scientia simplicis intelligentiæ, & visionis.

XVII.

De medio in quo DEUS cognoscit omnia, varie opinantur Theologi, in eoque assignando multum fatigantur; nos tamen varia scientiæ DEI objecta percurrendo, afferimus in primis, quod DEUS non cognoscat creaturas possibles immediate in se ipsis motive, sed in sua essentia tanquam in objecto primario; & medio prius cognito.

XVIII.

Afferimus deinceps DEUM futura contingencia absoluta infallibiliter non cognoscere in ideis, ut placuit Aegidio Romano, nec in dispositione proxima, vel in actu proximo nostræ voluntatis, sed in sua essentia, ut affecta per decretum liberum, seu supposito decreto libero, absoluto de eorum futuritione.

XIX.

Quod tamen decretum non afferimus esse prædeterminans Thomisticum, sed concomitans Scotisticum, simultaneè condeterminans cum voluntate creata, quam eminenter continet in genere causæ volitivæ.

XX.

Conditionata vero futura libera, præsertim illa, quorum conditio numquam purificabitur, in-
tue-

tuetur mediante decreto, ex parte quidem actus
absoluto, ex parte autem objecti conditionato.

XXI.

Dari in DEO voluntatem nemo negat, quis-
quis Patrem cœlestem quotidie orat dicens: *Fiat voluntas tua.* DEUS enim noster omnia, quæ-
cunque voluit fecit. Psalm 143.

XXII.

Celebris divisionis voluntatis divinæ in Ante-
cedentein, & Consequentem sæpe meminerunt
SS. PP. Chrysostomus, Damascenus, Thomas
&c. docentes DEUM voluntate antecedenti ve-
ra & sincera, etiam supposito peccato originali,
non tantum velle salvare omnes homines nemine
prorsus excepto.

XXIII.

Sed etiam conferre omnibus, & singulis in par-
ticulari, pro loco, & tempore auxilia proxime
vel remote sufficientia ad salutem, juxta cujusque
conditionem & existentiam.

XXII.

Quo circa nec ipsos parvulos excludimus a
mediis ad salutem sufficientibus; cum DEUS ba-
ptismum illis non modo præparaverit, sed & fin-
cere voluerit, ut eis conferatur.

XXV,

Agnoscimus insuper contra Stoicos, Epicure-
os, & Genethliacos perfectissimam in DEO Pro-
videntiam, cui omnia quantumvis minima, &
abjectissima subjacent, adeo ut nihil sit fortuitum
respectu DEI.

XXVI.

XXVI.

Quanto magis igitur DEUS ab æterno positi-
ve, ac distincte in particulari prædefinivit omnes
humanæ voluntatis actus nedum moraliter bo-
nos, sed etiam moraliter malos quoad entitatem
physicam malitiæ actus substratam.

XXVII.

Hujus Providentiae partem nobilissimam, ipsam
Prædestinationem (quæ ab Augustino definitur:
*Præscientia, & præparatio beneficiorum DEI, qui-
bus certissime liberantur, quicunque liberantur*) tam
diserte adstruunt Scripturæ & SS. PP. ut ne mi-
nimus quidem dubitationis locus esse possit,

XXVIII.

Quæ quamvis intentiva ad gloriam facta sit
gratuito, & independenter a prævisione merito-
rum, illa tamen non nisi liberis Electorum meritis
executioni mandatur: proinde dona gratuita su-
pernaturalia gratiæ; ut vocatio, justificatio, &
glorificatio, sunt effectus Prædestinationis.

XXIX.

Inter effectus Prædestinationis recensentur eti-
am dona naturalia: ut sunt ingenium bonum, tem-
peramentum ad virtutes libratum; quin etiam
permisso malorum naturæ, pœnæ & culpæ, non
quidem ratione sui, sed per accidens ratione sci-
licet bonorum, ad quæ ordinari potest.

XXX.

Tametsi præter positivam reprobationem ad-
mittamus in DEO dari reprobationem negativam,
quæ formaliter consistit in mera negatione ele-
ctionis ad gloriam;

XXXI.


XXXI.

Detestamur tamen impium Calvini dogma,
quo temere pronunciavit DEUM ex solo sub
beneplacito, absque ulla prævia peccati labe præ-
visa, positive nonnullos homines reprobasse; hæc
enim positiva reprobatio non decernitur a DEO,
nisi post prævisa peccatorum demerita
finalia.

O. A. M. D. G. B. M. V.

E T
OO. SS. H.





COMPENDIUM VITÆ
ANDREÆ II.
REGIS
HIEROSOLYMITANI,
Prout in Corpore Juris Ungarici con-
tinetur: Notis Juridicis, & Histo-
rico-Criticis,
Recens illustratum.



NDREAS II.
DECIMUS
NONUS UN-
GARIAE REX,
dictus Hierosolymitanus,
(a) Frater Emerici, Filius
Belæ tertii; successit in Re-
gnum.

(a) Innocentius III. P. M. in Epistola, Decretalibus dein' inserta, cap. licet, 6. de Voto, & Voti redemptione. ad Andream ita inter alia: Accepimus, quod cum Rex Ungariæ, Pater tuus, agens in extremis, votum, quod voverat Domino, Hierosolymitanam Provinciam in forti manu, humili corde visitare; sub interminatione maledictionis paternæ, commiserit tuae fidei exequendum, & Tu, assumptō Crucis signaculō, Te id impleturum sive dilatione qualibet, promisisti. Quare Nobilitatem Tuam rogamus, & mandamus, quatenus postpositis cæteris solitudinibus, usque ad Festum Exaltationis S. Crucis, debitum acceptæ Crucis exolvens, propositum iter arripias, & humiliter prosequaris. Ita ibi. Sed male signatur in Jure Can. Annus 1212. Dat. Andreae Duci. Tunc enim Regia potestate fulgebat, coronatus 27. die post obitum Ladislai IV. Kal. Junii, in Pentecoste. Tburoczzi, p. 2. c. 72.

N. i. Distulit tamen votum exequi, usque ad An. 1217. De cuius expeditione ita Ranzanus: Gerebatur tunc à nostris aliquot Principibus bellum in Syria, adversus Babyloniorum Sultanum. Voluit

luit itaque Pontifex , ut is Princeps , cùm abundaret divitiis , essetque rei bellicæ imprimis peritus , Christiano præcesset exercitui. Paruit igitur ipse , & quantum suppetivere facultates , rebus , quæ gerebantur , trium mensum spatiō & interfuit , & magna cum Gloria præfuit. Nam non prius inde discessit , quām commissâ atrocissimâ pugnâ , Victor evaderet gloriosus.

N. 2. Apparatum ejus , & copias militares [quas ipse , Annum tunc agens ætatis suæ decimum septimum , probabilius viderat] Archi-Diaconus Spalatinus , cap. 26. *De Passagio Andreæ Regis* , tali oratione describit : Conduxit naves magnas à Venetiis , ab Ancona , & Jadera , & ab aliis Civitatibus Adriatici sinūs , fecitque omnes applicare ad portum Spalatinæ Civitatis. Præmisit autem omnem apparatum armorum , & escarum , in multitudine curruum , & jumentorum ; qui venientes repleverunt omnia per circuitum civitatis. Præcessit autem Regem , & Ungaros , ingens *Saxorum* multitudo [ex Transylvania] omnes pacifici , & mansueti cum devotione , quia Cruce signati. Itaque An-

nō 1217. Die 23. Aug. advenit Andreas Rex ad Civitatem Spalatensem. Exierunt autem processionaliter obviam D. Regi universi Cives, omnésque forenses, deinde Clerus, holofericis induti vestibus, cum crucibus, & thuribulis. Ipse verò illustris Rex, viso processionis cœtu solenni, statim descendit de equo, magnáque suorum Principum vallatus catervâ, tenentibus eum hinc inde Episcopis, pedes usque ad Ecclesiam S. Domini processit. Dicebatur tunc fuisse in Comitatu Regio, plus quam decem milia Equitum, excepta vulgari multitidine, quæ pene innumerabilis erat. Post aliquantam moram, Rex naves ingressus, dispositum arripuit iter: Et ad partes Syriæ transvectus, magnum metum incusserat Saracenis: Explicatis siquidem suæ militiæ copiis, abiit satis procul à Regione maritima; expugnans Castra, & villas, & obstantia quæque conculcans. *Ita ille.*

N. 3. Gesta illius in Palæstina, distin-
ctiùs prosequitur *Jacobus Bosius*, qui adi-
ri potest, reprehendens sub finem narra-
tionis suæ *Antonium Bonfinium*, alios
que recentiores Scriptores, qui finè te-
sti-

stimonio alicujus vetustioris , gloriam
captæ *Damiatae* , Andreæ attribuerunt :
Cùm is , exactis Natalis Dominici feriis ,
eodem anno in Regnum suum regredi
cœperit , *Damiata* verò , non nisi Annō
1219. à Christianis expugnata sit .

N. 4. Extabat adhuc ætate Werbóczii
(prout ipse refert p. 2. t. 14) in Comita-
tu Hontensi , privilegium Donationis ,
quod Gloriosissimus iste Rex , in monte
Tbaabor , in quo D. N. J. C. transfigu-
ratus est , confici , & expediri curavit ,
super possessionaria quadam collatione ,
pro parte militis Ungari , in expugnatio-
ne Castrī illius montis , rem præclarè ge-
rentis . Cæterūm Bosius scribit : cæso
Emire , Præfecto Arcis , primam dunta-
xat stationem ejus Castrī à Christianis
illo anno obtentam fuisse .

N. 5. Causam verò tam properatæ re-
versionis his verbis explicat laudatus
Archi-Diaconus , cap. cit. Ecce ! nescio ,
an suorum , an extraneorum nefaria te-
meritas , Regis machinatur in mortem ,
impiaque manus , diabolicis armata ver-
sutiis , venenatum ei haustum propinat .
Ex quo scelere vix mortis potuit peri-
culum evitare . Necdum verò sanitate

ad integrum recuperata ; redeundi cœpit habere propositum , verens se , suūmque Regnum , in tantum præcipitare discrimen : Credens de suo Voto plenioriter satisfactum , incipit cum omni comitatu , ad Patriæ regredi fines . Noluit autem ulterius marinis se committere casibus , sed per terram iter faciens , venit *Antiochiam* , deinde transivit in Græciam , ubi affinitate contracta cum *Lascaro* , Rege Græcorum ; ultra progeditur . Accepit enim filiam ejus (*Mariam*) Filio suo primogenito *Bela* , in uxorem . Exinde peragratis Græciæ finibus , ascendit in Bulgariam . Sic autem peregrinationis suæ completo itinere , ad sua Regna reversus est . *Hucusque laudatus Dalmata.*

N. 6. Ex his corrigas licet , etiam *Gregorium Pettho* , in *Chronico Ungarico scripto* : Qui *Bonfinium* secutus , *Andream* non *Damiatam* modò , sed & *Cayrum* , ac *Babyloniam* deducit , nec nisi *Quinquenniō p̄st* , in *Patriam* redire permittit .

N. 7. Addit præmissis *Thuróczius* , p. 2. c. 73. tulisse cum in *Ungariam* , pretiosos Sanctorum thesauros , videlicet :

Ca-

Caput S. Stephani Proto-Martyris : Caput S. Margarithæ V. & M. Dexteram B. Thomæ Apostoli, & S. Bartholomæi : Item de Virga Aaron , & unam ex tex hydriis illis, in quibus Christus mutavit aquam in vinum : Et alias multas, quas potuit congregare reliquias. Modò autem eas, specialiter illæ Ecclesiæ habent, quarum Prælati Regi venienti , obviam occurrerunt. *Haecenit cit. Chronographus noster.*

§. i. Regnavit annis triginata. (b)

(b) Summa Æquitatis , Sapientiæ, Fortitudinis , & Clementiæ laude.

N. 1. Hoc regnante ; Annō 1206. Saxones *Bistricium* in Transylvania condunt.

N. 2. Chephanus Comes Palatinus, ex familia Hedervára ; & Poth, Frater Chephani, Comes Musumensis, fundant Abbatiam S. Jacobi de *Lében*, non procul ab Hedervára, Ordinis S. Benedicti, quam nunc possident PP. Jesuitæ Jaurin. Ita *Jongelinus*.

N. 3. Bartholomæus, Præsul Quinque-Ecclesiensis, primum Paulini, Ordinis Ungarici, Domicilium *Patacienſe* apud Urbem suam; Jacobus verò Nitrensis in *Szalká* prope Threncinium, Abbatiam Benedictinam erigit: Quæ dein transiit in jura Coll. Thren. S. J.

N. 4. Item Abbatia S. Margaritæ *Pelleskenſis*, à Comite Arnoldo de genere *Bánffi*: Abbatia Vallis Honestæ, in Diocesi *Weszprimiensi*: Abbatia trium Fontium, sive de Beel, apud Agriam, Ordinis Cisterc. Sed hodie Seminarii Agriensis: Nec non Abbatia *Schavnikiensis* in Scapusio, de Candelis dicta, olim ejusdem Ordinis, nunc Coll. Agriensis S. J. fundantur.

N. 5. Prima Præpositura Canonico-rum Regularium S. Sepulchri Hierosolymitani, B. M. V. de *Glogoncza*, ab Rege ponitur. Jam applicata est Coll. Zagrab. S. J.

N. 6. M. Paulus, Ungarus, Juris Canonici in sacro Prædicatorum Ordine Professor, Annô 1221. quò S. Dominicus Fundator obiit, primum in Ungaria Domicilium, *Jaurini*, Collegis suis excitat. Mox in Dalmatiam, & Bosniam pro

profecti, Hæreticos *Albigenses* (qui sub
id tempus Antipapam sibi illic consti-
tuerant) acriter impugnant. Et in
Bosnia quidem , *triginta* duo ipsorum ,
ab iisdem hæreticis , aquis suffocantur.
Dux tamen Minoslaus (*Nicolaus*) ope-
râ ejusdem S. Ordinis , hæresim ejurat ,
filiumque obsidem tradit , veritus , ne
Feudo , quod ab Ungariæ Regibus pos-
sidebat , excidat. *Buzardus* verò *Bánffy* ,
olim Banus , Institutum ejusdem S. Re-
ligionis amplectitur : Postmodum à Tar-
taris interemptus. Ne lues hæretica in
Ungariam quoque irreperet ; sacræ In-
quisitionis officium , Annô 1228 , est in-
troductione.

N. 7. *Calanus* , Episcopus Quinque-
Eccl: Vir insignis probitatis , & doctri-
næ , accusatus est apud Regem , & ab
hoc apud Innocentium III. P. M. quòd
cum propria nepte abominabilem per-
petraverit incestum. Pontifex *Jaurinensi*
Episcopo dedit in mandatis , ut pruden-
ter , & cautè à Co-Episcopis indagaret ;
utrum præfatum Episcopum crederent
tali labe respersum ? Qui rescripserunt ;
quòd eum , Virum , honestæ conversa-
tionis esse credebant , personam ipsius

multipliciter commendantes. Quare calumnia tantisper conquievit; donec Calanus ad Strigoniensem Metropolim extitit postulatus: tunc enim, qui super ipsa postulatione adversabantur eidem, ut promotionem ipsius facilius impeditarent, illius criminatiois carbones reaccende-re sunt moliti. Ita Pontifex in Epistola sua Decretali, Annō 1214. data ad Csanadiensem Episcopum, & Abbatem De-ciquorum (de qua Abbatia, gratis hacte-nus Viros eruditos consului) cuius ini-tium refertur cap. 15. de præsumptionibus, residuum verò cap. 12. de Purgatione Ca-nonica. Cui per procuratorem suum im-portunè urgenti, concessit demum Pa-pa, ut se canonice purgaret, per eundem Csanadiensem cum duobus Abbatibus.

N. 8. Et quamvis innocens sit reper-tus, falsum tamen est, idcirco; aut ve-rò, ut præreptam sibi à Joanne Colo-censi Sedem Strigoniensem minùs mole-stè ferret; ei usum Pallii Archiepiscopalnis à Pontifice esse indultum: Cùm eum, an-te accusationem sui, jam habuerit, ut manitestum fit, ex prima periodo cit. Epistolæ. Ibi: cùm in juventute sua,

Quin-

Quinque-Ecclesiensis Episcopus , adeò se maturum , honestum , & providum exhibuerit , ut ab Ecclesia Romana meruerit Palliō decorari ; non est de levi credendum , quòd postquam ad senilem pervenit ætatem , turpiter abjecerit jugum Domini , fœtores libidinis amplexando . *Hactenus Papa.*

N. 9. Quis verò Regum , aut Amicorum , tam insignem Prærogativam , Calano adhuc juveni procurarit ; aut quis Pontificum contulerit ; quáve domo , & gente Calanus satus fuerit , non liquet . An autem Privilegium hoc , solùm Personale ; aut verò reale , proinde officio annexum fuerit ; dispiciant ii , quorum interest . In Catalogo Episcoporum Quinque-Eccles. quem Mosóczius Corpori Juris appressit , unicus notatur Calanus , Palliatus .

N. 10. Voluit usum Pallii , pro se , ac Successoribus suis resuscitare , qui C. Berényium , nuper fatis functum , in hac Cathedra præcessit , Eminentissimus Card. Cienfuegos : Sed hi ejus conarus , inter pia desideria constiterunt : Seniō , ut credere par est , aliisque Virum Principem laboribus , dum mors adreperet , distrahen-

hentibus. Utinam qui nunc , insignem hanc Ecclesiam , Regia collatione obtinet ; Idem , & decus Pallii , magno Cleri , totiusque Gentis Ungaræ honore , ac consolatione , feliciter procuratum eat !

N. 11. Cæterum , dum Innocentius ait : *Calanum ad Strigonensem Metropolim extitisse postulatum* , innuit quidem , ea tempestate viguisse in Ungaria Prælatorum *Postulationem* , proin' & *Electiōnem* : sed quo sensu id accipendum sit ; declaratur in *Purpura Pannonica pag 4.* occasione *Stephani Váncsai* , sub Bela IV. ex cathedra Vacensi , ad Strigonensem postulati.

N. 12. Quæ autem jura , quas consuetudines , *Ecclesiæ Dalmaticæ* in promovendis , ac creandis Prælatis suis ea tempestate sectatæ fuerint ; disces abundè ex historia Archidiaconi Spalatensis , maximè ex *posterioribus capp.* quibus agit de promotione *Guncelli* , & *Hugrini* , seu *Ugrini* Ungarorum , & *Magistri Rogerii Itali* , ad Metropolitanam Sedem Spalensem.

§. 2. Genuit filios de prima Uxore (c) *Belam*, (d) *Columanum*, (e) *Andream*, (f) & S. *Elisabeth*, (g)

(c) Nempe Gertrude, filia Bertholdi Ducis *Meraniæ* (sic dictæ à cognomine Provinciæ ejus oppido) hodie *Tyrolis*, *Carinthiæ* item & *Istriæ*.

N 1. Hujus Reginæ, fratri libidini patrocinantis cædem, in vindictam, violatæ Uxoris pudicitiæ, à *Bánk*; *Bano* de genere *Bor*, patratam; prolixè describit *Bonfin. Decad.* 2. lib. 7. sed non sine admixtione falsi. Constat enim fide Diplomatum, & literarum ipsius Andreæ Regis, in quibus de hoc facinore conqueritur; illud ante profectionem Hierosolymitanam, Annō videlicet 1213. contigisse, Rege non in Palæstinam, sed in *Halliciam* iter ingresso.

N 2. Unde redux, Anno in sequenti donavit possessionem *Zelengek*, in Provincia Szaladiensi sitam, Comiti *Miska*, genitori Magistri Salomonis, qui Instru-

cto-

ctorem Belæ Principis agebat, cùmque, dum Regina cæderetur, solicite tutatus est.

N. 3. Reginæ corpus, in Monasterio priscorum Monachorum de Pelis (*Pilis*, seu *Pilisiensis Abbatiae*) tumulatur. Pro cuius nece vox flebilis intonuit in tota Pannonia: Et in omni genere *Bánk* Bani, execrabilis, & horrenda sanguinis effusio subsecuta est: Teste Thuróczy, p. 2. c. 72. Ipsi tamen parricidæ *Bánk* Bano, gratiam ab Rege factam; quin & Reginam jure cæsam, ab eodem esse declaratum, *Bonfinius*, & post hunc *Justus Lipsius*, *Rewadius*, *Petibò*, & alii, scriptum reliquerunt. Subscriptum eum leges, sub nomine *Bankonis Bani*, in Diplomate hujus Regis, An. 1218. quod infrà recitabimus.

(d) Successorem Regni, de quo suò locô.

(e) Colomanus accepta Conjuge Salomea, Lesci Sandomiriæ Ducis filia, Lesci Albi sorore, dotis nomine suam facit *Halliciam*, in cuius Regem, communis populorum suffragio, ab Episcopo Cracoviensi coronatur. De eo Rex noster, An. 1214. ita ad Innocentium

III. P. M. Noverit Sanctitas vestra, quod
Hallicæ Principes, & *Populus*, nostræ
 ditioni subjecti, humiliter à Nobis po-
 stulârunt; ut Filium nostrum *Coloma-
 num*, ipsius in Regem præficeremus; In
 unitate, & obedientia *Sacro-sanctæ Ec-
 clesiæ*, perseveraturis imposterum, fal-
 vò tamen eō; quod fas illis sit, alias à
 ritu proprio non recedere. Hactenus
Epistola Andreæ, quam vide sis *integrām*
 apud *Odoricum Raynaldum*, aliósve.

N. 1. Est autem Regnum Hallicæ,
 sive Halicziæ (quam Ungari dein' Gal-
 liciam, nescio qua de causa dicere ma-
 luerunt, suisque etiam titulis Reges no-
 stri infuerunt) conterminum Comita-
 tui Beregiensi, & Maramarosiensi: Ita
 vocatum à Civitate cognomine, ad *Nie-
 strum* amnem (*Tyram*, *Ptolemæo*) si-
 ta. Notant eam hodierni quoque Geo-
 graphi, nomine *Halicz* in *Russia Rubra*.
 Quæ hujus Regni fortuna, & vicissitu-
 dines sub Ungarorum dominatu fuerint;
 narratur in *Imag. Ungar. nov. cap. 13.*

N. 2. Erat Colomanus Dux quoque
 Sclavoniæ, in qua potiorem vitæ par-
 tem exegit, tumulatus *Csázmæ*, in tem-
 plo PP. Prædicatorum, paucis mensi-
 bus

bus post infelicem cum Tartaris conflitum, cui ipse, cum cohortibus sui Ducatus, & Fratre Bela IV. Reg. Ung. interfuit, ac trepidantibus cæteris, rem optimè gessit. *Archidiac. capp. 37. & 38. p. fin.* Vixit Virgo, cum Virgine Conjuge, ambo Castitatis perpetuæ votō obstricti.

(f) Hic Fratribus, & sorore, & Elisabetha junior, Regni expers, Venetias petiit, ubi ducta prædivite uxore, *Marcum* sustulit: Qui opum affluens, bonorum avidus, in Gallias migravit, principium illic datus splendidæ *Croyorum* prosapiæ: ex qua hodieum Principes, à Germanis *Arembergii* dicti. Huc allusit *Justus Lipsius*, post laudatum ab Justitia Andream Reg. nost. exclamans: *Salve, vel hoc pacto Magne Rex, & Tu Inclyta de Croys familia, ramus ab illa stirpe.*

(g) De hac *Tburóczius*: Rex generosam Elisabeth, filiam suam, Nobiliviro, Ludovico Thuringiæ Lanthgravi copulavit. Qui post multos annos, cruce signatus, devotè Hierosolymam pergens, migravit ad Christum: Cujus fe-

festum Hierosolymis devotè celebratur.

Ita ille ; p. 2. c. 73.

N. 1. Maritum in Cœlos secuta Uxor,
Annō 1231. 19. Novemb. Qua die fe-
stam ejus memoriam recolit Ungaria.
Quadrienniō pōst , innumeris clara mi-
raculis , Sanctorum syllabo inserta.

N. 2. Dum corpus ejus , è loco sub-
terraneo levatum , arcæque aureæ inclu-
sum , in editiore , ac patente loco ve-
nerationi proponeretur ; præter Imper-
ratorem Fridericum , plurimósque Ger-
maniæ Principes , memorant interfuisse
sacris ceremoniis , decies centena millia
devotæ multitudinis : Coram qua , san-
ctitatem Elisabethæ infinitis propemo-
dum miraculis Divina Bonitas denuo
testatam fecit. Acta , virtutes , & ali-
quot ejus miracula , percenset Bonf.
Decad. 2. lib. 7. m. p. 284. & seqq. multi-
que alii , sacri , & profani , populares ,
& exteri scriptores.

§. 3. De secunda verò U-
xore , filia Marchionis Est-
hensis ; (b) *Stephanum* , Pa-
B trem

trem Andreæ tertii suscep-
pit.

§. 4. Hic Rex , secundum
S. Stephani Regis Leges, ma-
gnâ libertatis prærogativâ ,
Status , & Ordines Regni
beavit : libertatibus ipsis, in
formam Decreti redactis.

(b) Ignorabat Mossóczius alteram An-
dreæ Regis Uxorem . Fuit ea plurimo-
rum testimoniô , Petri Constantinopoli-
tani Imper. filia , Jöle nomine , ex qua
fustulit Jölen , sive Hioclesiam , Jacobo
Aragonum Regi nuptam , Aviam Divæ
Elisabethæ , quæ fuit Conjux Dionysii Re-
gis Lusitanorum.

N. 1. Tertia demum ejus uxor erat
non Isabella , sed Beatrix , Aldobrandi-
ni Marchionis Esthensis filia : Quam
non in reditu ab expeditione Hierosoly-
mitana , ut Thuióczius p. 2 c. 82. exi-
stimat , sed proiecta jam , & suprema
ætate duxit , teste coævo scriptore , Mo-

nachō Patavino. Domina ista , mortuo
Rege Andrea , volens redire ad parentes
suos , convocatis Principibus Ungariæ,
Archiepiscopis , & Episcopis , se gravi-
dam prole , manifestis indiciis demon-
stravit : Et sic est reversa in terram su-
am , *Esth* vocatam : Et ibi apud Pa-
trem suum , puerum masculum peperit,
quem in baptismo *Stephanum* vocave-
runt : Qui enutritus , & educatus est
sub hoc titulo : quòd esset Filius Regis
Ungariæ : ut ait Thuróczius , *l. cit.* Per-
sequens etiam varios fortunæ ludos , qui-
bus Stephanus iste circumactus , demum
Thomasinam Maurocenam , Nobilem Ve-
netam , uxorem accivit . ex eaque *An-*
dream sustulit , qui à morte Ladislai IV.
ad solium Ungariæ evectus , à nostrati-
bus passim *Andreas Venetus* audit : de
quo suô locô . *Beatrix* verò Regina ,
Germulæ , Cœnobium S. Joannis Bapt.
ingressa , vitam religiosissimè actam , san-
cto fine terminavit , Annô 1238. Beato-
rum dein' Catalogo inserta.

§. 5. Quamvis enim re-
gnante S. Stephano , & ipsum
B 2 se-

sequentibus Regibus, multi fuerint in hoc Regno Nobiles ; conditionaria tamen quadam servitute, Colle~~cta~~
rūmque ex parte Colonorum suorum solutione, Regibus obnoxii erant : A qua, primū per hunc Andream Regem, ipsi *Nobiles* (qui tunc *Servientes* dicebantur) excepti sunt, atque omnimoda libertate donati (i)

(i) Confer p. 1. t. 9. Unde hæc, penè ad verbum desumpta sunt.

§. 6. Proinde cuncti Reges Ungariæ, usque in præsens tempus, priusquam Sacro Regni diademate insigni-
an-

antur; super observando Decreto, & Constitutionibus ejusdem Andreæ Regis; Prælatis, Baronibus, Magnatibus, Proceribúsque, & Nobilibus Regni hujus, Juramentum præstare confueverunt. (k)

(k) Patet ex eorundem juramentis, Corpori Juris insertis.

§. 7. *Istius ergo Regis litteræ, cunctaque Privilegia valent, & semper observantur.*

§. 8. Mortuus est, Annō Domini Millesimō, Ducentesimō, Trigesimō quintō.

Sepultus in Cœnobio Egres.

(l)

(l) Quod ipse, adhuc Ducatum gerens, An. 1200. juxta Marusium amnem, intra Aradinum, & Chanadinum, pro Cisterciensibus, magnificè erexerat. Cujus eversionem, sub Bela, filio Andreæ (dimissis tamen quibusdam Monachis) per Tartaros factam ; lege sis apud *M. Rogerium*, in *miserabili ejus carmine, cap. 37.* in hæc verba :

Tartari versùs *Orodiūm*, seu *Aradīnum*, & *Chanadīnum* procedere incepunt, in medio eorum, novâ villâ dimissâ. Nomen ejus, *Perg* fuerat (ex situ loci existimamus, *Perg*, seu *Novam Villam*, Authori nostro, fuisse Oppidum; quod nunc *Nagy-Lak* appellamus) in qua homines septuaginta villarum fuerant congregati, & dimissô *Monasteriō Egres*, *Cisterciensis Ordinis*, in quod tanquam munitum Castrum, se milites, & multæ Dominæ receperant. Nec Tartari loca illa aggredi voluerunt, quounque circum circa esset terra totaliter desolata. Sed interdum aliqui accedebant,

&

& ab Hungaris militibus, per magnum terræ spatiū fugabantur; ita quod credebant firmiter, se intactos, propter suam patentiam remanere. Tandem, post totius terræ illius desolationem, Ruthenorum, Comanorum, Hungarorum captivorum, paucorum etiam Tartarorum multitudine adunata; *Villam magnam* (hodie probabilius *Nagy-Lak.*) undique circumdantes, ad pugnam captivos Hungaros præmiserunt; & illis interemptis totaliter, Rutheni, Ismabelitæ, Comani, postmodum, pugnaverunt. Tartari verò, retro post omnes stantes, ridebant de casu, & ruina illorum; & retrocedentes à pugna; suorum dabant quamplurimos voragini gladiorum: ita quod ipsis diebus, & noctibus pugnantibus per unam septimanam, & fossatis impletis; coperunt villam. Milites igitur, & Dominas, quæ multæ erant; extrà, in campo, in una parte, & rusticos in alia posuerunt; ac pecunia, armis, vestibus, & aliis bonis receptis ab eis, & quibusdam duabus puellis reservatis ad vitam, & ad lusum eorum deductis; cum securibus, & gladiis omnes crudeliter interfecerunt. Illi quidem solum-

modò remanserant, qui inter mortuos, repento casu decidentes, alieno sanguine cruentati, se occultare voluerunt. O dolor! ô crudelitas, & rabies immannis populi immena! nam qui tantæ gentis cladem sana mente consideraret; hunc locum *agrum sanguinis* debitè dicere posset.

Tandem post paucos dies, dictum claustrum, sive monasterium *Egres* obfederunt, & appositis eidem multis machinis, cùm in ipso existentes nequarent resistere; ad manus, & fidem ipsumrum, se, ut vita potirentur, reddiderunt. Sed de ipsis, quod de aliis, factum est; exceptis quibusdam *Monachis*, quos abire libenter permiserunt, & ad abusum eorum, retentis quibusdam Dominabus, & pulcherrimis puellis. Quid amplius, si describerentur singulariter pugnæ singulæ, & crudelitates nimiæ, quæ fiebant; legentium corda perterritrent, & terribili sonitu tinnire facerent aures. Si hujusmodi rumores horribiles essent diffusi per orbem; mundi Principes aliter cogitarent. Ecce, per aestatem illam, usque ad confinia *Austriæ*, *Bohemiarum*, *Moraviæ*, *Poloniæ*, *Slesiæ*, &

Comanicæ, usque ad Danubium, communiter omnia destruxerunt. Ita ad verbum *Magister Rogerius, Canonicus Varadinensis*, diu inter Tartaros, famuli specie versatus, ut vitam retineret: Et tandem iis revertentibus; ex itinere, fugâ dilapsus.

Cæterum, nobilissimi hujus, & situ amoenissimi, tantique Regis exuviis clari, *Egresiensis Monasterii*, vix vestigia, à Nobis sollicitè quæsita, legas, vilibus Rasciadum mapalibus, & aratrorum sulcis, terram omnem longè fertilissimam, juxta fluenta *Morusii* occupantibus. Nempe & in Patria nostra: *Ubi steterunt Pergama, nunc fluctuant aristæ. Fui- mus Trojes!*



DECRETUM
ANDREÆ II.
REGIS
HIEROSOLYMITANI,
DD. Prælatis, Baronibus,
Magnatibus, Nobilibus, cun-
ctoque Populo

REGNORUM
UNGARIÆ, DALMATIÆ,
CROATIÆ, & SCLAVONIÆ,

Super Libertatibus, Immunitatibus, & Exemptionibus Eorumdem ; post Expeditionem Hierosolymitanam, Annô 1222. extradatum ; subinde Corpori Juris Ungarici insertum , à cunctis subsequis APOSTOLICIS, & CLEMENTISSIMIS REGIBUS NOSTRIS, Juramento firmatum ; Jam verò Notis Juridicis, & Historico-Criticis illustratum ; incipit , *Feliciter !*
 in hæc Verba :

IN

IN NOMINE SAN- CTÆ TRINITA- TIS, & INDIVIDUÆ UNITATIS.

§. I. ANDREAS, DEI
gratiâ , Ungariæ, Dalmatiæ,
Croatiae, Ramæ, Serviæ, (a)
Galliciæ , Lodomeriæque
(b) Rex, in perpetuum.

(a) Qua occasione Reges Ungariæ,
titulo *Regis Serviæ* uti cœperint ; Lucius
Dalmata *lib. 5. cap. 3.* sequens Dandu-
lum Venetum , & Thomam Archidia-
conum Spalatensem , istò compendiō
explicat : Orientalis Serviæ pars , inquit ,
juris Imperii Græcorum erat . Ita ejus
Præfectus Græcô-Slavô vocabulô *Mega-
jupanus* appellabatur . Sed capta à La-
tinis Constantinopoli , cùm *Joannicius*
Bulgariæ Dominus , pleraque Græco-
rum loca in Thracia occupâisset ; *Andreas*
quo-

quoque Ungariæ Rex (iste , de quo nobis sermo) pulsô Stephanô Neemania , Megajupanô , Vulchóque (Lupô) substitô , reliquum Serviæ occupavit : Serviæ titulum sumpsit . Et cum Joannicius , coronam Regni Bulgarici , ab Innocentio III. P. M. peteret ; Megajupanus quoque Serviæ idem petiit · sed Andrea id non probante , re tum dilata , *Honorius* ejus successor , vitato *Serviæ* nomine , quo eadem pars Orientalis Serviæ dicebatur ; à flumine *Rasca* per eandem labente , *Rasciæ nomen* ei indidit , & sub hoc titulo Coronam concessit . Ita laudatus Dalmata , antiquitatum Illyricarum scrutator solertissimus . Impofuit autem Honorii Legatus Coronam novo *Rasciæ Regi* , *Stephano* , Annô 1217 .

N. r. Adjecit idem Author Notas ad Historiam Presbyteri Diocleatis (quam ille *Regnum Slavorum* vocat) in hisque , num. 26. castigat Porphyrogenitum , & Tyrium , aliósque Græcos , & Latinos Scriptores , qui *Serviam* , & *Servios* , à servitute nomen traxisse existimabant , quasi omnis Regionis illius populus , ex deportatis , & ad secunda marmora , ac effo-

effodienda metalla damnatis, originem habuerit.

N. 2. Eos (inquit ille) hallucinatos fuisse sciunt, quicunque Slavum idiomam callentes, contermini Serblianis sunt. Nam quos Slavi *Srblianosc* dicant; hos Græci, asperitatem vitantes, *Serblos*, sive *Serbulianos* vocant: Terram autem, quam habitant; Slavi *Srbika* vocant: Quod, cum Græcis difficile esset proferre; *Serviam* dixerunt.

(b) Uno eodemque tempore cœpit Andreas titulum *Regis Gallicæ*, & *Lodomeriæ* adhibere: Hanc velut minoris censūs, & amplitudinis, illi postponendo.

N. 1. Sunt, qui existiment, *Lodomeriam*, esse eandem Regionem, cum *Vladimiria*, quæ Volgâ, & Occâ amibus includitur, nec nisi 30. circiter Germanicis milliaribus, *Moscuâ* recedit. At, usque eò Ungaros imperium protulisse: nullis monumentis, imò ne probabili quidem ratione fulciri potest.

N. 2. Thuróczius p. 2. c. 39. Aut rectius, primus Annalium Ungariæ Scriptor, apud Thuróczium, de *Andrea*, & *Levente* profugis Ladislai Calvi filiis refert

fert sequentia : Acceptâ à *Duce Poloniæ* licentiâ, *Bela* fratre suo ibidem relicto : euntes iverunt ad *Regem Lodomeriæ*, qui ipsos non recepit. Cùmque non haberent, ubi caput suum reclinarent ; abinde ad *Cumanos* perrexerunt. Abhinc postea in *Rusciam* sunt profecti. Et cap. 66. de *Geyza II.* filio *Belæ* cœci, inquit : Duxitque exercitum in *Rusciam*, super *Lodomerium Ducem*, ut vindicaret injuriam *Soceri* sui *Minoslai*: Pro quo etiam jam pridem miserat exercitum ; qui male tractatus fuerat à *Ruthenis*, & *Chunis*. *Ita ille.*

N. 3. Bonfinius verò, *Decad. 2. lib. 6. m. p. 264.* duplicem hanc *Geyzæ* expeditionem describens ait : *Lodomerius Chunorum* fretus auxiliis, *Minoslaum Regno* ejicere, & tyrannidem invadere ausus est. Rex exercitum in *Roxaniam* misit : Qui quum hinc à *Chunis*, à *Ruthenis* illinc infestaretur ; sedatō tandem bellō, multis amissis, in *Ungariam* rediit. Haud multò pòst, *Lodomerius* iterum *Minoslaum* adoritur. Rex ne periclitantem *Socerum* defereret, comparato magno exercitu, unà cum *Ladislao*, & *Stephano* fratribus, in *Ruthenos* contendit, ut affi-

affinis (*Soceri*) injurias, & pristinam Legionum jacturam ulcisceretur. Mox prælium initum. Lodomerius cum Chuniis, & Ruthenis fusus, & fugatus est. Minoslaus, cuncta quæ amiserat, Generi operâ subitò recuperavit. Rex cum fratribus, ovantes in Pannoniam redire. *Hucusque cit. Hungariæ Livius.* Plura in Annalibus nostris: In Diplomatis, hactenus repertum nihil.

N. 4. Ex his tamen patet; *Lodomeriam esse Galliciæ*, seu *Halliciæ* (de qua paulò suprà) vicinam, imò contermi-
nam, eāmque jam olim *Regni* titulō
fuisse insignem, diversis tamen nominī-
bus compellatam: Ungaros probabilius
hac occasione eam adeptos, jure belli,
vel affinitatis, aut utroque. Fuisse au-
tem antea proprietatem *Lodomerii*, vel
ut aliqui scribunt; *Volodomiri*, qui dum
aliena iniquè invasit, propria justè ami-
sit, Ditionibus ejus in Victores devolu-
tis. Hæc ex domesticis.

N. 5. Addunt *Poloni Scriptores*, Vo-
lodomirum Regno extorrem, multis pòst
annis, ad Belam III. Geyzæ II. filium
confugisse, sed ab eo in vincula conje-
ctum; corruptis tamen custodibus effu-
giisse,

gisse, iisdemque ducibus, ac comitibus,
Halliciam pervenisse. *Cromerus.*

N. 6. Videtur Andreas II. Galliciam, & Lodomeriam, Titulis suis inferuisse, circa Annum 1214. quo tempore Filium Colomanum, Regem Galliciae inauguari jussit. Licet enim jam Geyza II. avus, Bella III. pater, & Emericus ejus frater, Reges Ungariae, jura, & dominium aliquod in hæc Regna, & Provincias haberent, & exercearent, quia tamen turbulentum illud, & revolutionibus interruptum; nunquam ullus eorum, his Titulis usus fuisse, comperitur. Emerici enim (ut postremum nominem) caput literarum erat istud: *Hemericus DEI Gratia Ungariae, Dalmatiæ, Croatiae, Ramaque Rex.* His Andreas præter Serviam, adjecit Galliciam, Lodomeriamque; Provinciis nempe, post diutinas Russorum Principum factiones, & dissidia (de quibus Cromerus, & alii) tandem pacatis, & in unum Colomanum Andreæ filium, mira alacritate, Regni fasces transferentibus: prout suprà, ex ipsius Andreæ literis docuimus.

N. 7. Hæc jura, has prærogativas nostrorum Principum, quoad fieri poterat,

terat, ex tenebris eruisse juvat, vel ob exteris nationes, quæ mirantur Sacrae Coronæ nostræ adscribi, Titulisque Regum Ungariæ inferi Regna, hodie pa-
sim, & vulgo ignota.

§. 2. Quoniam libertas, tam *Nobilium Regni nostri*, quām *etiam aliorum*, instituta à *Sancto Stephano Rege*, per aliquorum Regum potentiam, ulciscientium aliquando iram propriam; aliquando etiam attendentium Consilia falsa hominum iniquorum, vel sectantium propria lucra; fuerat in quām plurimis partibus diminuta; (c) Multoties ipsi Nobiles nostri, Serenitatem

Nostram , & Prædecesso-
rum nostrorum , Regum
suorum aures , precibus , &
instantiis multis pulsaverunt ,
super reformatione Regni
nostrī.

(c) Triplicem allegat causam , immi-
nutorum Privilegiorum ; Iram , & vin-
dictæ cupidinem : Consilia falsa iniquo-
rum : Denique lucri proprii appeten-
tiam , sed immoderatam eam , & ab ava-
ritia profectam .

§. 3. Nos igitur , eorum
petitioni satisfacere cupien-
tes in omnibus , uti tene-
mur ; præsertim , quia inter
Nos , & eos , occasione hac
jam saepius *ad amaritudines*
non modicas est processum :

(d)

(d) Quod , ut Regia Hono-
rificentia pleniūs conserve-
tur ; convenit evitare (hoc
enim per nulos alias meliūs
fit , quām per eos) Con-
cedimus tam his , quām *aliis*
hominibus (e) Regni nostri ;
*Libertatem à S. Rege conces-
sam :*

§. 4. Ac alia , ad statum
Regni nostri reformandum
pertinentia ; salubriter ordi-
navimus , in hunc modum :

*De Solemnitate Sancti Regis
Stephani annuatim celebranda.*

ARTICULUS I.

STatuimus ; ut annuatim
in Festo Sancti Stephani

Regis (nisi arduo negotio ingruente, vel infirmitate fuerimus prohibiti) *Albæ* teneamur Solennizare.

§. 1. Et, si *Nos* interesse non poterimus, *Palatinus* procul dubio, ibi erit pro *Nobis*: Et vice nostra causas audiet:

§. 2. Et omnes *Servientes*, qui voluerint; liberè illuc conveniant.

(d) Imò, ut testatur M. Rogerius, Scriptor coævus, in Aula Budensi multum versatus, *Miserabilis carminis c.9* *Quidam de Majoribus Regni inter Regem, & Filium ejus Belam* (qui Patri dein' successit) sæpiùs seditionem, & scandalum procuraverunt: Ita, quòd hinc inde militiâ sæpiùs congregata, dimicare ad invicem voluerunt, nisi per te-

nen-

nentes medium inter eos , essent pacis foedera reformata.

N. 1. Cùm Bela ad Patris Curiam accedebat , iidem in nullo penitus ei deferebant : Imò de honestate ipsum verbis , & factis , in quantum poterant , nitebantur : Quod celari non potest.

N. 2. Et contra vitam Patris , & filiorum , nequiter conspiraverant : Ut , illis gladiô interemptis , faciliùs quilibet posset de Hungaria (quam sibi per partes divisorant) portionem sibi debitam , sinè conditione cujuslibet , obtinere .

N. 3. Et cùm concepta nequirent effectui mancipare , aliud nequius cogitârunt : Duci Austriae , literas cum certis pactis , & conditionibus destinando ; D. Frederico Rom. Imp. Coronam Regni , & Hungariam dare promittebant . Sed nuncius in via captus , Regi fuit cum literis præsentatus . Unde Rex conservando ipsos ad vitam ; misericordiâ , quæ superexaltat Judicium , usus est contra eos . Ita ille , partim ex certa Aulæ - familiarium relatione , partim experientiâ propria .

(e) Id est : Tam Nobilibus , quam aliis hominibus , cujuscunque statûs , se-

xūs, ætatis, conditionis, & professio-
nis fuerint: Privatis, aut Communita-
tibus, Prælatis, Capitulis, Abbatiiis,
Monasteriis, Parochiis, Civitatibus,
Castris, Castellis, Oppidis, Villis, Du-
cibus, Legionibus, Cohortibus, Præ-
fidiariis, Confiniariis, Baronatus, Co-
mitatus, Præfecturas, Dignitates, &
Honores tenentibus: Scholis, Gymna-
siis, Magistris, Professoribus, Cœtibus,
ac Collegiis Institorum, Opificum &c.
quibuscumque demum, Regni, Provin-
ciarum, ac Ditionum nostrarum homi-
nibus concedimus Libertatem, jura,
Privilegia, Exemptiones, Immunita-
tes, à Sancto Rege Stephano concessas.
Ita scilicet: *Favores convenit ampliari:*
Et, decet concessum à Principe beneficium
esse mansurum: ut habent Regg. Juris. 15.
& 16. in 6.

Quòd nemo condemnetur, ni-
si fuerit citatus.

ARTICULUS 2.

Volumus etiam; quòd
nec Nos, nec poste-
ri

ri nostri , aliquo tempore ,
Servientes capiant , vel de-
struant , favore alicujus Po-
tentis ; Nisi primò *citati* fue-
rint , & ordine judiciario
convicti. (f)

(f) Privilegium hoc insertum est p.
i.c. 9. Cujus debita intelligentia , & fa-
ctæ , per leges subsequas , imitationes ,
petendæ sunt ex Tyroc. Jur. Ung. ad
eund. tit.

De Libertate Prædiorum ; Servientium, atque Ecclesiarum.

ARTICULUS 3.

Item ; nullam Collectam ,
nec *libras denariorum* (g)
colligi faciemus , supra Præ-
dia Servientium :

§, i. Nec in domos, nec Villas descendemus; nisi vocati:

(g) Alii rectius: *liberos denarios*; Quasi dona, & oblationes gratuitas: Nam collectam, seu contributiones debitas, ac demandatas; contradistinguit ab his *denariis*: Dum ait: *nullam collectam nec &c.* Confer S. Steph. lib. 2. cap. 35. in princ.

§. 2. Super *populos* etiam *Ecclesiarum* (h) ipsarum, nullam penitus (i) Collectam faciemus.

(b) Loquitur lex de *libertate* indulta, non tantum *prædiis Servientium*; sed & *prædiis Ecclesiarum*: ut patet ex Rubrica. Itaque in textu legis, per *populos Ecclesiarum*, intelligendi sunt populi, qui incolunt *prædia Ecclesiarum*, & idcirco de lege recentiori, ac stylo Curiarum, non jam *populi Ecclesiarum*, sed *prædialis* audiunt: Et quidem *Nobiles* [vulgò *Ersek-Nemessei*, *Apá tur-Nemessei &c.*] eò quod

quòd in hac libertate , & exemptione à collectis , ac liberis denariis , atque aliis quibusdam prærogativis , ac immunitatibus , cum Nobilibus Regni , seu Servientibus Regis communicent . Quales Prædiales habebant olim pleræque Ecclesiæ Cathedrales , Collegiatæ , & Abbatiales : Qui pro ipsarum , & Regni defensione , sub Banderio , seu Vexillo sui Prælati militare , & alia quædam personalia obsequia præstare obligabantur . Habent & hodie quædam Ecclesiæ : ut Strigoniensis , Jaurinensis &c. S. Martini montis Pannoniæ &c. De quibus in Decretis RR. Reg. tæpiùs recurrit mentio.

(i) Proinde nec gratuitam , nec obligatoriam : Nec liberos denarios , nec datias , portiones , aut quasvis contributiones . Vox enim penitus adjecta negationi debet amplius quid importare , quam eadem negatio sola importet ; principiò hujus cap.

*De facultate Servientium;
disponendi de rebus, & possessio-
nibus suis.*

ARTICULUS 4.

Si quis *Serviens*, sive fi-
lio decesserit; *quartam*
partem possessionis filia ob-
tineat: De residuo; sicut
ipse voluerit, disponat.

§. 1. Et, si morte præ-
ventus, disponere non po-
terit; *Propinqui* sui, qui
eum magis contingunt; ob-
tineant:

§. 2. Et, si nullam pe-
nitus generationem habue-
rit, Rex obtinebit. (k)

(k.) Confer. S. Steph. lib. 2. capp. 5. 24. & 35. Ac Ludovici I. Conclusion. Confirmati. Decret. Andreæ II. Nec non p. r. titt. 5. & 17. Denique 88. & seqq. de qua-
ta puellari.

De facultate Comitum Pa- rochialium, & Bilocis Rega- libus.

ARTICULUS 5.

Comites Parochiani, præ-
dia Servientium non di-
scutiant; nisi causas (l) mo-
netarum, & Decimorum.

(l) Rectius Sámbóki legit: *Nisi cau-
sâ monetarum, &c.*

**§. i. Comites Curiæ Pa-
rochiani;** (m) nullum peni-
tus discutiant, nisi populos
sui Castri.

(m) *Comes Parochianus;* est supremus
Comes Comitatūs: *Comes Curiæ Parochia-
mus,*

nus; est Comes, seu Præfctus, & Capitaneus Castris cujusdam Curialis, seu Regalis, habens pro Parochia populos, & gentes illi Castro adscriptas. Quales olim erant Comites: Castris Nandor-Albensis: Castris Szabács: Castris Wissegrád &c. Et adhuc hodie Castris Posoniensis &c.

§. 2. Fures, & latrones, *Bilochi Regales* (*n*) discutiant, ad pedes tamen ipsius Comitis.

(*n*) *Bilochi*, dicti ex Ungarico *Birák*: seu Judices. *Regales* verò; quòd principaliter Servientibus Regis judicia impendant. Hodie passim *Judices Nobilium* audiunt: aut contractè, & syncopatè: *Judgium*.

De populis conjuratis, quòd fures non nominentur. (*o*)

ARTICULUS 6.

ITEM; populi conjurati in unum, fures nominare non

non possint, sicut consueverunt.

(o) Legi debet activè; non nominent: Prout legit etiam Sámbóki. Si enim legatur; non nominentur, discordabit textus à Rubrica. Vult autem Andreas, isthic abusum tollere, cui occasionem dedit S. Ladislai lib. 2. cap. 4 in quo statuitur: Ut, si tota villa aliquem furrem esse proclamaaverit, omni substantia privetur, & vendicetur Regi: Unde quarta pars detur villanis. Hinc avaritiā, ac interdum odio, & rancore stimulante, Villani conjurabant, seu conspirabant in unum, & abusi Decreto Regis Sanctissimi, quem opprēsum, & omnibus spoliatum volebant, Furem proclamabant.

*De exercitu, extra Regnum
ducendo per Regem.*

ARTICULUS 7.

Si autem Rex, extra Regnum exercitum ducre

re voluerit; Servientes cum ipso ire non teneantur, nisi pro pecunia ipsius. (p)

§. I. Et post reversionem; judicium Exercitūs super eos non recipiat.

(p) Condita lex est, post expeditiōnem Hierosolymitanam: in qua propriis militāsse stipendiis quantum constiterit! Et urgebat Regem Pontifex, etiam proximē ante hæc Comitia lapsō annō, ut in Palæstinam cum Exercitu rediret, Votūmque Patris solveret: sed is se liberatum esse obtendens, Romam est evocatus, ad dicendam per Procuratores causam. Quare metuentes Regni Nobiles, ne rursum tam sumptuosa Expeditio sit suscipienda; præsens Privilegium ab Rege impetrârunt.

N. I. Simile Privilegium adeptæ sunt duodecim Illustres Croatarum Familiæ, à Colomano R. scilicet Dynastæ de genere Chacitorum, Chuccacorum, Subithorum, Guddomitorum, Snacittorum, Cithorum, Gufichorum, Carinensium, & Lapzanorum;

Item

Item de genere *Politchorum*, *Lasnizitorum*, *Jamometorum*; demum de genere *Tugomirorum*, ex quibus totidem Ablegati, nomine gentis suæ, venientes ad D. Regem, ad flumen *Drave*, cum exercitu consistentem, ei debitam reverentiam exhibuerunt. Dominus verò Rex, ad osculum pacis eos recipiens; ad tallem concordiam devenerunt: Quod omnes prædicti teneant suum pacificè, & quietè; Et quod non teneantur, aliqua prædictarum generationum, nec eorum homines, Regiæ Majestati solvere censum (*id est*: *portiones contributiones* (nisi tantùm teneantur D. Regi, quando aliqui invaderent sua confinia Regalia; tunc si D. Rex mittet pro ipsis, tunc ire debeant ad minùs cum decem armigeris Equitum, de qualibet generatione prænominatarum, *suis sumptibus*, & *expensis*, usque ad flumen *Drave*: Inde versus Ungariam, *ad expensas D. Regis*, usquequo Exercitus duraverit, debeant permanere. Et sic extitit ordinatum de Anno nostræ Redem. Millesimo C. secundo. Ita *Memoriale Thomæ Archidiaconi ejusd. Historiæ adjectum. cap. ult.*

§. 2. Si verò ex adversa parte, exercitus venerit super Regem; Omnes universaliter ire teneantur. (q)

(q) Propriis sumptibus, & stipendiis. Sed de modo *Exercituandi*, & pro defensione Patriæ insurgendi; Vide post alios art. 8. Anni 1715

§. 3. Item, si extra Regnum Exercitum ducere voluerimus, & cum Exercitu iverimus; omnes, qui Comitatus habent, pro pecunia nostra Nobiscum ire teneantur. (r)

(r) Itaque, qui Comitatus, seu *Castrorum*, seu *Provinciarum* habent; pro pecunia Regis debent, & obligantur exercitum, Ductore Rege, extra Regnum sequi: Cæteris Nobilibus etiam pro pecunia, arbitrarium est; sinè pecunia verò neutri obligantur.

*De Authoritate Palatini: Et
Vicariis Judicum.*

ARTICULUS 8.

Palatinus (s) omnes homines Regni nostri, indifferenter discutiat. (t)

(s) Palatinatus Regno coævus est in Ungaria, Supremum hunc Magistratum primus sub S. Stephano gessit *Ceba*, ut patet ex Privilegio Archi-Abbatiae S. Martini, Annô 1001. confecto: Cui post *Dominicum* Archi-Episcopum *Szegediensem*, immediatè subicripsit *Ceba*, *comes Palatinalis*.

N. 1. Catalogum Palatinorum à *Ceba*, usque ad *Franciscum Veselényi*, qui electus est Annô 1655. magna accurate, & indefesso labore, ex Diplomatibus, ac aliis pervetustis M. S. eruit, ac digessit *Caspar Jongelinus*, *Regius Historiographus*. Cui adjunxit Catalogum Judicum Curiæ, usque ad *Franciscum de Nádasd*: spondens in Epistola dictoria; Acta; & Virtutes Illustrium ho-

rum Patriæ Patrum, ac Heroum, ma-
gno Volumine (quod jam conscripserit)
Patriæ Civibus se propediem oblaturum.
Sed Volumen istud nondum aspexit lu-
cem. Quod quia *Viennæ in domo Ná-
dasdiana* elucubratum esse, Author non
obscure innuit; cum instrumentis, &
literis Nádasdianæ gentis, ad Tabula-
rium inclytæ Cameræ Regiæ, post in-
felicia *Francisci* fata, esse translatum,
non ex vano conjectamus. Multum hæc
Documenta, ad illustrandas Ungariæ res
collatura, nemo non videt.

N. 2. Latent in eodem Quæsturæ Re-
giæ Tabulario, monumenta quoque
Frangepanum, sive *Vegliorum*, *Torqua-
torum*, seu *Kárloviciorum*, *Zréniorum*
item, & *Széliniorum*, quæ rebus Dalma-
tiæ, Croatiæ, & Sclavoniæ lucem ma-
ximam affunderent.

(t) Extensa hic est Palatinorum, seu
Comitum Palatii Regii potestas, & Ju-
risdictio. Hactenus enim extra Curiam
Regis neminem judicare poterant, nisi
Udvarnicos, & qui sponte, ac benevo-
lè laudum, sive arbitrium ipsorum ex-
petiere. Unde si abesse eos ab Aula Regia
in-

interdum contigit ; sigillum officii Vice-Palatino , apud Aulam remanenti , resignare jubebantur. S. Ladisl. lib. 3. cap. 3.

N. 1. Episcopi , & Comites Parochiales in Congregationibus suis , quas paſſim *Synodos* vocabant , per duo prima Monarchiæ nostræ ſæcula, plurimas cauſas terminabant : Ut patet ex S. Ladislai , & Colomani Decretis. Posthac Palatinus ubique per Regnum cauſas cognoscere incepit , ut ſummus post Regem Judex. Proinde hoc primū Articulo factus eſt , ut loquimur : *Judex Regni ordinarius.*

N. 2. Hactenus verò *principalis* ejus cura , & officium (faltem post natos Judices Curiæ) fuit ; gerere rationes , & procurare negotia Aulæ Regiæ : Emergente autem bello , & abſente à Caſtris Rege , exercitum duſtare , aciémque ſtruere : Discussio autem cauſarum , quas Regnicolæ ad Aulam Regis adferebant ; *principaliter* pertinebat ad Comitem Curialem , ſeu Judicem Curiæ Regiæ : Cum quo Comes Palatii , dum vacabat , & lubebat , in hac jurisdictione concurrebat , ita ut Præventioni locus fuerit inter duos iſtos

Aulæ Regiæ Judices: prout ex variis Juris textibus, & paragraphis elicitor.

N. 3. Palatinatus sub Bela IV. annus duntaxat erat: Sub aliis diutinior, donec perpetuus esse juberetur. sed de his fusiūs in *Decr. Anni 1485.*

N. 4. Demum: si non priùs, certè Caroli I. temporibus principium sumpsit ea consuetudo, ut Palatinus sponte obiret Ungariam, ac in quolibet Comitatu, super tumulo manufacto, sub Tentorio tribunal erigeret, omniūmque ejus Provinciæ incolarum causas Civiles, & Criminales, summarie cognosceret, ac definiret. Et hoc: peculiari nomine, dein' vocari cœpit *Judicium Palatinum*, de quo stabiliendo, mox abolendo, demum ad extirpanda furtæ, latrocinia, aliáque enormia flagitia, pro certis Regni Comitatibus iterum resumendo; occurrunt non pauci artt. in subseqq. Regg. Decrett. Hoc Judicio se usos dicebant Tumultantes, dum in Comitiis Onodientibus (de quibus *Art. 46. An. 1715.*) quodam Alegatorum conciderent. Extant hodieum aliqui illorum tumulorum, super quibus Palatini Judices confidere.

N. 5. Placet adnectere Exemplar Expeditionis, in simili Judicio Palatinali, prope Urbem, in qua vivo, & scribo, emanatae, in haec verba:

„ Nos Leustachius de Ilsva, Regni
 „ Hungariæ Palatinus, & Comes Al-
 „ bensis, memoriae commendamus: Quòd
 „ in Congregatione nostra Generali, U-
 „ niversitatis Nobilium Comitatūs Jauri-
 „ nensis, feriâ secundâ proximâ, ante
 „ Festum Beati Michaëlis Arch-Angeli,
 „ prope Civitatem Jaurinensem celebrata;
 „ Religiosus Vir Dominus Frater Grego-
 „ rius, Abbas Monasterii Beati Jacobi de
 „ Lében, personaliter de medio aliorum
 „ exurgendo, per modum Protestationis
 „ Nobis significare curavit: Quòd Ma-
 „ gister Joannes, Filius quondam Simo-
 „ nis Bani (scilicet de Móroczbida) quan-
 „ dam Possessionem dicti Monasterii sui,
 „ & per consequens suam, Rábcza vo-
 „ catam (dein' Sóvényháza dici cœpit, pro-
 „ ut & bodie) in dicto Comitatu Jauri-
 „ nensi existentem, feudaliter sibi loca-
 „ tam, potentialiter conservaret: Imò
 „ nec feudum (id est, taxam, pensionem,
 „ arendam) juxta suum obligamen dicto

,, Monasterio , & per consequens sibi da-
,, ret , & administraret.

,, Unde facta hujusmodi Protestatione
,, Praefatum Magistrum Joannem , alios
,, verò quoslibet ab ulteriori detentione
,, dictæ *Possessionis Rábcza* ; Usuumfru-
,, ctuum , & quarumlibet utilitatum e-
,, jusdem perceptione , vel percipi factio-
,, ne ; aut se , in Dominium ejusdem in-
,, tromissione ; & eandem sibi ipsi per-
,, petuatione , quomodocunque factis , vel
,, faciendis , publicè prohibuit , ac ma-
,, nifestè coram Nobis ; Testimonio præ-
,, sentium mediante . Datum decimo die
,, Congregationis nostræ prædictæ , in
,, loco memorato : Annô Domini 1394.
Hactenus *Leustachius Palatinus* , licet
corruptè sic dictus , ex Hungarico *Le-
stók* : Rectius *Eustachius* : Ex quo authen-
tico Instrumento , corrigendus simul est
Szentivanius , qui in Catalogo Palati-
norum , Corpori Juris adjecto , nescio
quo errore , ponit *Leustachium Isvai* ,
Palatinatu amotum sub Rege Sigismun-
do , Annô 1392: Cùm , ut patet , adhuc
regnaverit . An. 1394.

§. 1. Sed causam Nobilium, quæ ad perditionem Capitis, vel ad destructionem possessionum pertinent; sinè conscientia Regis terminare non possit. (v)

(v) Hinc patet, nondum cœpisse ætate ista *Judicium Palatinum* per Comitatus: De quo loquebamur.

§. 2. Judices verò, *Vicarios* (x) non habeant, nisi unum in Curia sua.

(x) *Vicarios*, seu Vices-gerentes: quales sunt: Vice Palatinus, aut Vice-Locumtenens Regius: Vice-Judex Curiæ Regiæ: Vice-Banus: Vice-Magister Tavernicorum: Vice-Comes: Vice-Judex Nobilium.

Defacultate Comitis Curialis.

ARTICULUS 9.

Curialis Comes noster, donec in Curia manse-

rit; omnes possit judicare,
(y) & causam in Curia in-
choatam, ubique termina-
re.

(y) Hic confirmatur duntaxat ordi-
naria jurisdictio Comitis Curialis, seu
Judicis Curiæ Regiæ, quemcunque Re-
gnicolarum in Curia judicandi: A prin-
cipio enim hujus officii ille erat Praetor,
& Judex ordinarius in Aula Regia. Mox
subjungitur facultas: *causas in Curia in-*
choatas, ubique terminandi. Lapsu tem-
poris, & quidem probabilius circa An-
num 1300. factus est etiam *Judex Regni*
ordinarius, vulgo dici cœptus *Ország*
Birája. Pro causis verò in Aula Regum
principaliter discutiendis successit ei Ma-
gister Curiæ Regiæ. An autem *Judicatus*
Curiæ sit Palatinatui coævus, meritò am-
bigitur: Cùm ante Annum 1137. seu
ante tempora Belæ cœci, nullus Judex
Curialis inveniatur; Teste *Jongelino*, in
Catalogo Judicum Curiæ: ut proinde in
partem Curarum Palatini successisse vi-
deatur.

§. I. Sed manens in Prædio suo ; *Præstaldum dare*
 (z) non possit , nec Partes facere citari.

(z) *Præstaldum* , seu *Pristaldum dare* , significabat ; adjungere aliquem Litigantibus , qui eos ad ferri cendentis , aut aquæ ferventis probam , dum ea decernebatur , ad quodpiam Capitulum , cum literis adjudicatoriis deduceret : Aut certè , si processus aliter finiebatur ; qui Executionem rei adjudicatae perageret .

*De remuneratione filiorum ,
 Baronum ; in Bello occumbentium .*

ARTICULUS 10.

SI quis *Jobagio habens honorem* (aa) in Exercitu fuerit mortuus ; ejus filius , vel frater , congruo honore sit donandus .

§. i. Et, si Serviens, eodem modo fuerit mortuus; ejus filius, sicut Regi videbitur, donetur.

Hospites, seu alienigenæ, ad Dignitates quomodo promoveantur?

ARTICULUS II.

SI hospites, videlicet boni homines, ad Regnum venerint; sinè consilio Regni ad Dignitates non promoveantur.

(aa) Præsenti art. item artt. 13. & 30. Jobagio, sive Jóbbágyio, vel (ut scribitur in Privilegio hujus Andreæ, Saxonibus dato) Jubagio: aut Jubbagio, sumitur pro Barone Regni: Ut proinde Jobagionatus Regni, idem olim fuerit, ac Baronatus Regni. Hodie Jobagiones

vocamus solum subditos, & Colonos nostros: Qualiter iidem etiam hoc decreto vocantur art. 19. Filii vero Primiorum Regni Jobagionum, ut vetustiora docent Diplomata; Titulo *Magistri*, velut honorificentissimo, ea tempestate ornari solebant: Eodem videlicet, quod Minores Regni Barones, putat Magistri Tavernicorum, Janitorum &c. Neque enim *Comitum Titulus*, ad Filios transibat, cum is fuerit officii, & Dignitatis, non vero sanguinis, & Profaapiæ.

N. 1. Fuerunt quidem plurimi *Comites* ratione officiorum, ut *Præfetus Palatii*, & *Curiæ Regiæ*, ac *Reginalis Castrorum* item *Regalium*, & *Reginalium*: *Comites* præterea *Salinarii*, *Trubutarii*, & *Camerarii Monetarum* (de quibus infrà art. 26.) denique *Comites Provinciarum*, seu *Comitatuum Gubernatores*, & *Administri*: sed usque ad tempora Ludovici I. inclusivè *rarisimis* sanè fuerant *Comites*, quibus hic *Titulus* demptò officiò competiisset. Atque hoc ipso Decreto, art. 16. statuitur; ut Rex integros *Comitatus* (prout antea nonnunquam fiebat) aut quascunque

que Dignitates , non conferat in perpetuum , seu cum jure successionis ad Filios transeunte , qualiter conferre solet Prædia , & alias possessiones.

N. 2. Unde imitatione Germanorum , & Bohemorum , aliarūmque Nationum , Comitum titulus multiplicari cœpit re ipsa sub Sigismundo Imp. & Rege Hungariæ , ac Bohemiæ. Quamquam non ignoremus , Carolum I. Ludovici I. Parentem ; ut Hungaros magis sibi devincret , complures , quos opibus præpollere , & splendidiūs vestiri conspicerat , Italica liberalitate Comitum honore dignatum fuisse. Nec tamen dato Diplomate , eosdem Comites creabat , sed in statu Nobilitari , seu Servientium Regionum , prout invenit , relinquebat. Ut proinde vanè nonnulli hodie glorientur , se verorum , ac germanorum Comitum posteros esse. Patent hæc ex diversis vetustis Documentis.

N. 3. Barones verò vix ullos ea ætate fuisse reperias , nisi Regni : Qui tamen ab ipsis etiam Regibus , in suis Diplomaticis , quandoque Principes Regni nostri , nuncupabantur , ut suprà innuimus Et hinc manavit illa formula ; hodiéque usi-

usitata: *De Consensu Frælatorum, Baro-
num, Magnatum, & Nobilium Regni &c.*
Ut scilicet *Barones isti*, quibusvis Ma-
gnatibus, quamvis *Ducali*, aut *Princi-
pali* authoritate præfulgentibus, in pu-
blicis Regum, & Regni negotiis, ac
Diplomaticis, anteferrentur.

N. 4. Fuisse tamen jam à principio
Monarchiæ nostræ quosdam sub Coro-
na Ungarica, *Duces, Marchiones, & Co-
mites* (de quibus consuli potest Thurócz
p. 2.. c. 11. & seqq. colligitur etiam ex
Privilegio S. Stephani, Annô 1002. Mo-
nasterio S Martini, Montis Pannoniæ,
dato. De quo nos uberiùs infrà.

De dotibus Uxorū, quomo- docunque decedentium.

ARTICULUS 12.

UXORES decedentium, vel
damnatorum ad mor-
tem per sententiam, vel in
duello succumbentium, vel
ex

**ex quacunque alia causa ; non
fraudentur dote sua, (bb)**

(bb) Dos hic accipitur pro contrado-
re : prout alibi quoque saepius in jure no-
stro. Confer. S. Steph. lib. 2. cap. 24.

*Quod Rustici, per Potentio-
res non opprimantur, nec alii
Pauperes.*

ARTICULUS 13.

JObagationes ita sequantur
Curiam, vel quocunque
proficiscuntur, ut paupe-
res, per eos non oppriman-
tur, nec spolientur.

*De Comite, Castri sui populos
destruente.*

ARTICULUS 14.

ITem, si quis Comes (cc)
honorifice, se, juxta Co-
mi-

mitatūs sui dignitatem non habuerit; vel destruxerit populos Castri sui; Convictus super hoc, coram omni Regno dignitate sua turpiter spolietur, cum restitutio-
ne ablatorum.

(cc) Loquitur de *Comite Curiæ Paro-
chiano*, de quo suprà art. 5.

*De agazonibus, caniferis,
& falconariis.*

ARTICULUS 15.

AG zones, caniferi, &
falconarii, non præsu-
mant descendere in Villas
Servientium.

Quod

*Quòd integri Comitatùs hono-
res , in perpetuum non con-
ferantur.*

ARTICULUS 16.

Integros Comitatus , vel
Dignitates quascunque ;
in prædia , seu possessiones
non conferemus perpetuò.

*Quòd Possessionibus acquisi-
tis nemo privetur.*

ARTICULUS 17.

Possessionibus etiam , quas
quis justō servitiō obti-
nuerit ; aliquo tempore non
privetur . (dd)

(dd) S. Steph. lib 2. cap. 35. Coloma.
lib. 1. cap. 20. Et suprà art. 4. Denique
art. 9. Anni 1715.

De

*De facultate Servientium,
eundi ad filium : Et de causis,
coram filio Regis inchoatis.*

ARTICULUS 18.

ITem; Servientes, accep-
tâ licentia à Nobis, pos-
funt liberè ire ad filium No-
strum, (ee) ut à Majore ad
Minorem: Nec ideo, pos-
sessiones eorum destruan-
tur.

§. 1. Aliquem justo judi-
cio filii Nostri condemna-
tum, vel causam inchoatam
coram ipso, priusquam ter-
minetur coram eodem, non
recipiemus: Nec è conver-
so filius noster.

(ee) Scilicet primogenitum *Belam*, quem ante Expeditionem Hierosolymitanam (probabilis Annô 1213.) in Regem Ungariæ coronari jussit: *Colomano* Duce, fratre ejusdem, ensem Regalem (scilicet S. Stephani, quo hodieum Reges nostri, tempore inaugurationis utuntur) ad latus ipsius honorifice tenente: Daniele vero Duce Ruthenorum, equum ejus ante ipsum summa cum reverentia ducente; ut inquit Thurócz
p. 2. c. 74.

N. 1. Exin' multæ inter Patrem, & Filium subortæ discordiæ, quas princ. buj. *Decr.* innuimus.

N. 2. Utebatur Bela, vivente Patre, hoc titulo: *Bela DEI gratiâ Rex, primogenitus Regis Ungariæ*: ut patet ex literis donationalibus, quibus possessiones quorundam Infidelium suorum, & ad interfectionem ipsius conspirantium, in perpetuum confert *Pousæ Comiti*, filio *Botus*. Datum, ut inquit, per manus *Matthiæ*, *Præpositi Zagrabiensis*, Aulæ nostræ Cancellarii. Annô gratiæ 1229. *Pous* *Tavernicorum*, *Chák* *Dapiferorum*, *Pousa* filio *Soulum* *Agazonum* nostorum, *Magistris* existentibus. Ex quo con-

conjice , ampla jam Eum potestate (quamvis adhuc limitata) præditum fuisse , distinctam Aulam , Curiam , & Cancellariam , Baronésque Aulæ habuisse.

N. 3. Infensus ei Pater erat , etiam ob dimissam uxorem , quam ei ex Græcia adduxerat , ac in Reginam corona-ri fecerat : Et cui ipse cum omni dilectione , & tranquillitate , in ætate legitima jam existens , cohabitavit per to-tum biennium , & amplius , sicut maritus : Prout loquuntur Antistites Unga-riæ , in Epistola , super hac causa ad Honorium P. M. data , Annō 1223. Alterò nimirum post conditum isthoc De-cretum. Videri Epistola potest , apud *Odoricum Raynaldum*.

N. 4. Bela Parentis iram declinans , profugit in Austriam , à Leopoldo Du-ce benevolè suscep-tus. Quem , uti & Bohemiæ Regem , ac Carinthiæ Ducem hortatus est anno insequenti Pontifex , ad concordiam inter Patrem , & Filium reducendam. Quâ obtentâ , recepit Bela etiam Uxorem suam.

*De libertate Rusticorum, &
Hospitum.*

ARTICULUS 19.

Jobagiones Castrorum; teneantur secundum libertatem à Sancto Rege Stephano institutam.

§. I. Similiter & *Hospites*, cujuscunque Nationis, secundum libertatem ab initio eis concessam; teneantur.

De Decimis.

ARTICULUS 20.

Decimæ, (*ff*) argentō non redimantur: sed sicut terra protulerit, vinum, vel segetes, persolvantur.

§. I-

§. I. Et, si Episcopi contradixerint; non juvabimus ipsos.

(ff) Introductæ per S. Stephanum
lib. 2. cap. 52.

Quòd Episcopi non dent Decimas equis Regalibus: Nec populi eorundem, Decimas importent ad Prædia Regalia.

ARTICULUS 21.

Episcopi, super prædia Servientium, (gg) Equis nostris Decimas non dent: Nec ad prædia Regalia, populi eorundem (hh) Decimas suas (ii) apportare teneantur.

(gg) Ergo tunc Episcopi adhuc accipiebant Decimas, ex prædiis Servientium, seu Nobilium: Cum isthic privile-

gium acquirant, non dandi *decimas decimarum*, ex talibus prædiis perceptarum, ad usum equorum Regiorum.

N. i. Viguisse autem ea tempestate hanc decimarum decimationem; patet ex Privilegio Colomani R. Anni 1111. in quo ordinat Ecclesias Dalmatiæ. Ibi: Qua libertate fruuntur Clerici Hungariæ, fruantur & Clerici Dalmatiæ: seu, ut qualiscunque potentiae sigillō non constringantur, sed solō Episcoporum, & Archi-Diaconorum suorum sigillō, & judiciō, lege Canonum cogantur, & judicentur. Hoc modo Decimationem, quemadmodum in Hungaria accipient: *Præstaldus Regis*, cum Præstaldis Episcoporum, ex *Decimatione Episcopi*, ipsi accipient *Decimam partem &c.* Hactenus cit. Privilegium, quod integrum videri potest apud *Lucium lib. 3. pagin. 117.*

(hh) Id est Prædiales Ecclesiarum Cathedralium: De quibus suprà art. 3.

(ii) Itaque ex decimis Prædialium suorum, debebant Episcopi adhuc dare decimas pro equis Regalibus: Cùm Prædiales isthīc eximantur ab onere, easdem fruges devchendi, usque ad *prædia*

dia Regalia: Qualia olim erant: *Demes*, prope Wissegrád: *Lovász-patona* prope Papam, sic dictum; quòd illic Agazones Regales, ob fœni melioris copiam, cum equis suis hybernare solerent: Et plura alia.

De porcis Regalibus.

ARTICULUS 22.

ITem, porci nostri, in sylvis, vel pratis Servientium, non pascantur, contra voluntatem eorum.

De nova moneta.

ARTICULUS 23.

ITem, nova nostra moneta, per Annum observeatur, à Pascha, usque ad Pascha.

§. I. Et denarii tales sint;
quales fuerunt tempore Re-
gis Belæ. (kk)

(kk) Scilicet *Primi*. De cuius Mo-
neta, & Denariis, sequentia legimus:
„Fecit fabricari nummos magnæ monetae ex
„purissimo argento. Item; Argenteos
„etiam denarios cudi fecit; quorum 40.
„Byzantius census erat. Unde & nunc
„denarii numerò 40. Aureus appellan-
tur. Ita Thuróczi p. 2. c. 45. scribens
sub Matthia Corvino.

N. I. Itaque Bela I. Rex noster, seu *Albertus*, *Adalbertus* (dictus *Bela*, ex vo-
ce Bohemica *Bila*, aut *Bela*, id est *Al-
ba*, prout dicimus; *Bilo*- aut *Belográd*,
Alba-Arx, & contractè *Belgrád*) primus
ex argento puro postulato, pecuniam
cudi fecit, ad morem aliarum gentium:
Et *Aureos Byzantios* (seu *Græcos*, *Con-
stantinopolitanos*) quorum unus qua-
draginta valebat Argenteos nummos, in
Regnum admisit. Ita Mosisczius in Sy-
nopsi Vitæ Belæ I. Corpori Jur. Hung.
inserta. Fuerit autem ille *numus*, seu
denarius argenteus, æquivalens decem de-

nariis modernis Kremniczensibus: dictus *Tizes*, *Denarius*, à valore 10. pensarum, seu *decem Kis-pénz*, qualis in valore suo *intrinseco* est hodie numus, quem *Hetes*, *Hét-Karajczáros*, & latinè *Septenarium* dicimus, à tempore elevati valoris *extrinseci*, facti sub Leopoldo Imp. Atque tales *Denarii* 40. seu 40. *Tizes* faciunt *Denarios Kremniczenes* 400. seu 4. *florenos*: qui sunt valor *intrinsecus* iusti ponderis aurei, seu *Bizantini*, seu *Kremniczensis*, aut *Hollandici*. Hæc pro intelligentia *Denariorum*, tempore Belæ, & Andree II. currentium: Cujus *nova moneta* ad pascha solùm dura-re permissa, fuerit sanè cuprō permixta, & adulterata.

*Quod Ismaëlitæ, & Judæi non
teneant officiolatus.*

ARTICULUS 24.

Comites Camerarii mo-netarum, Salinarii, & Tributarii, Nobiles Regni nostri sint.

§. I. Ismaëlitæ, & Judæi (II) fieri non possint.

(II) Ismaëlitarum meminit M. Thurócz *p. 2. c 22.* dum ait: Intraverunt Hungariam tempore Geyzæ, S. Stephani, aliorumque Regg. Bohemi, Poloni, Græci, Hispani, *Hismabelitæ seu Saraceni*, Bessi, Armeni &c. Qui diutiùs in Regno commorando (quamvis illorum generatio nesciatur) per matrimoniorum contractus, Ungaris immixti; nobilitatem pariter, & descensum sunt adepti.

N. 1. Videntur hi populi *Mæsiam*, seu *Myssiam* (quam nunc *Serviam*, *Bulgariam* &c. dicimus) incoluisse: Nam *Belgradum Serviæ*, contra Salomonem Regem fortiter propugnârunt *Saraceni*, *Græci*; & *Bulgari*: Accitis in auxilium, etiam *Bessis*, seu *Bissenis*, id est Bosnen-sibus: ut idem Author testatur *p. 2. c. 50.*

N. 2. Quō expugnatō, multi *Saracenorū* partim bellō capti, partim de-dicti, abducti sunt in *Ungariam*: Quibus Colomanus Rex, *Decr. 1. cap. 47-*

G & tribus seqq. Leges vivendi dein' tradidit. Ex quibus simul apparet, eosdem adhuc judaizasse: nec pridem Ecclesiæ adjunctos fuisse. An autem impii *Mahometis*, an aliam sectam prius secuti fuerint; incertum.

De Salibus.

ARTICULUS 25.

ITem, Sales in medio Regni non teneantur, nisi tantum in Zabolch, (mm) & Regécz, & Confiniis.

(mm) *Zabolch*, seu modernè *Szabolcs*, aut *Szabolts*; ætate ista adhuc floruisse; hinc conjicias. De eo vid. S. Lad. lib. 1. in princ. Jam salium Emporia facta sunt: Tokainum, Szolnokinum, Szededinum, Pest, Kanisa, Jaurinum &c.

De possessionibus, non conferendis extra Regnum.

ARTICULUS 26.

ITem, possessiones extra Regnum non conferantur.

§. I.

§. I. Si sunt aliquæ collatæ , vel venditæ , populo Regni ad redimendum reddantur. (nn)

(nn) Extra Regnum vendere censetur, qui vendit Extraneo , nondum adepto Indigenatum. Hinc meritò talium possessionum reluitio , cuivis Nobili Ungariæ indulgetur. De quo uberiùs art. 26.

An. 1687. Utinam Sigismundus Rex , & Imp. huic Andreæ Privilegio non contravenisset ! Non extarent hodie tot Articuli de Redemptione Arcis Lublyó , & 13. Oppidorum Scepusiensium. De quibus art. 24. An. 1681. & sæpè aliàs.

De Marturinis solvendis.

ARTICULUS 27.

Marturinæ , (oo) juxta consuetudinem , à Colomano constitutam , solvantur.

(oo)

(oo) *Marturinæ*, Ludovici I. *decr.*
art. 12. dicuntur vocari vulgò *Bansul mara*: aut juxta Sámbóki, *Bansulus mara*: Quod Mossóczius in marginalibus *ad cit.* *decr.* *Ludovici* interpretatus est, *Vestigal maritimum*. Nec malè: Cùm ipsa nominis *Origo*, id præferat. Itaque privilegium istud partes respicit maritimas. Et cùm per avaritiam fors *Exactorum*, plus æquō, in portibus ad Ungariæ Coronam spectantibus, extorqueretur; *Andreas* isthic mandat: Ut *Marturinæ* post-hac exigantur, juxta consuetudinem à Colomano R. introducam. *Ludovicus* verò in *cit. art. 12.* à solutione *Marturinarum* eximit *Nobiles*, inter fluvios Drava, Sava, ac de Posega, & Valkó, instar *Nobilium* *Ungariæ*. Itaque jam per Colomanum, aut certè *Andream*, *Nobiles* *Ungariæ*, extra hos fluvios degentes, immunes erant à persolvendis *Marturinis*: Non item *Nobiles* *Transfani*, & *Dalmatini*, nisi quatenus *Colomanus* eos exemit.

N. 1. *Andreas Dandulus* in *Annali*-
bis, *Colomani gesta* referens ait: apud
Jadram, *Curiam* (*id est*, *Comitia*) tenens,
Dalmatinos in suis libertatibus, & Con-
sue-

suetudinibus conservare promisit : Et Spalatinæ , Jadrensi , & Aibensi Ecclesiis pro unaquaque Crucem unam contulit , & in Pannoniam rediit.

N. 2. Quæ autem illæ libertates , & Consuetudines Dalmatinorum ? Multas eorum colligere licet ex diversis Diplomaticis , quæ ex Archivis Dalmatiæ de prompta , fideliter recitat sæpè laudatus *Lucius* in sua de *Regno Dalmatiæ , & Croatiae* Historia.

N. 3. Archidiaconus c. 18. Universorum in iis Regnis proventuum Perceptorem , Spalati residere solitum , his verbis insinuat : Dederant Spalatenses Regi Colomano Turrem orientalis anguli. Rex autem posuerat ibi Ducem quemdam , cum non parva militum manu , qui erat per Chroatiam Exactor Regalium tributorum. *Hacdenus ille* : significans nomine *Croatiae* , juxta consuetudinem ejus temporis , quidquid olim Provinciarum suberat Regibus Croatiae , ac Dalmatiæ.

N. 4. Qualiter autem Marturinæ , in portu Traguriensi exactæ tunc fuerint , discimus ex privilegio ejus Civitatis , de Anno 1108. Ibi : Ego Colomanus Rex Un-

Ungariæ , Croatiæ , atque Dalmatiæ ,
juro super sanctam Crucem , Vobis Tra-
gurini ; meis fidelibus Civibus , firmam
pacem . Mihi , & Filio meo , aut Suc-
cessoribus meis , tributarii ne sitis . Epi-
scopum verò , aut Comitem , quem Cle-
rus , & populus elegerit , ordinabo : Et
lege antiquitus constituta Vos uti per-
mittam ; Præterquam introitus , portus
Civitatis , de extraneis duas partes Rex
babeat , Tertiam verò Comes Civitatis ,
Decimam verò Episcopus &c. *Hacdenus*
Diploma. Ex quibus conjicere licet ,
diversas in diversis portubus , Marturi-
nas exigendi , & dividendi Consuetu-
dines viguisse ; Quas ad normam à Co-
lomano , velut primo ex Ungaris Regi-
bus possessore institutam , reduci , ac re-
gulari præcepit isthic Andreas .

N. 5. Qualiter verò Colomanus , ma-
ritimarum Civitatum , ac portuum Dal-
matiæ , & Croatiæ Dominium obtinue-
rit ; fusè discutit Lucius lib. 3. Et Archi-
diaconus cap. 17. Qui præmittit de S.
Ladislao sequentia : Coadunato Exerci-
tu copioso venit , & occupavit totam
terram à Dravo fluvio , usque ad Alpes ,
quæ dicuntur ferreæ , nullo obice resi-
sten-

stente. Post hæc transivit Alpes, & cœpit impugnare munitiones, & Castra, multaque prælia committere cum gentibus Chroatiae. Nec tamen usque ad maritimæ Regiones pervenit, sed audiens, quod quædam Gens sui Regni fines intraverat; in Ungariam repedavit. *Ita ille.*

N. 6. Popularis verò noster Chronologus de Colomano ait: *Iste, Dalmatiæ Regnum, occiso suo Rege, Petro nominato, in montibus Pétergozdia; Hungariæ adjunxit. Thuróczy p. 2. c. 62.* Fuerit iste Petrus unus de potentioribus Dynastis, quem Dalmatiæ sibi contra S. Ladislauum, Regem elegerunt: Nam Regium semen, ante adventum Ladislai, in *Svinimiro defecisse*, patet ex *cit. Archid.* qui diversas Procerum factiones, cædes, rapinas, deprædationes, tempore Inter-regni exortas, copiosè describit *l. cit.*

De convictis in Judicio, non defendendis.

ARTICULUS 28.

Si quis ordine judiciario fuerit condemnatus; nul-

lus

lus potentūm possit eum defendere. (pp)

(pp) Congruit p. 3. t. 24, 2. fin.

De proventibus Comitis, & Regalibus.

ARTICULUS 29

Comites jure Comitatūs sui tantūm fruantur: Cætera ad Regem pertinentia, scilicet *Cibriones* (qq) tributa, boves, & duas partes Castrorum Rex obtineat.

(qq) Vox Ung. Urnam majorem significans.

Quòd præter Palatinum, Banum, & Curiales Comites Regis, & Reginæ, nullus duas Dignitates teneat.

ARTICULUS 30.

Item, præter hos quatuor Jobagiones, scilicet Pala-

tinum, *Banum* (rr) Comites Curiales Regis, & Reginæ, (ff) duas Dignitates nullus teneat. (tt)

(rr) Unicum hactenus sub Corona Ungariæ fuisse *Banum*, seu Præfectum Provinciarum, aut alicujus saltem Provinciæ, hoc nomine compellari solitum, patet non modò ex præsenti art. sed & ex Diplomate ejusd. Andreæ II. de Anno 1209. quô Abbatibus S. Benedicti de Garam, usus Pontificalium indumentorum, quô eatenùs carebant, à Crescentio Sed. Apost. Leg. per Regem impetratus, declaratur. Ubi poit Prælatos Ungariæ subscribitur *Poch* (seu Poth, vel Both de Hedervára) *Palatinus*, & *Musuniensis Comes*: *Banc Banus* (qui dein' Reginam occidit) ac *Michaël Vajvoda*, seu Wajvoda, scilicet Transylvaniæ: Quibus subjunguntur Supremi Comites.

N. 1. Præerat iste *Banus* Regnis Dalmatiæ, Croatiae, Sclavoniæ, atque etiam Bosniæ, & vocari uno nomine solebat *Banus totius Sclavoniae*, seu Gentium Scla-

Sclavicarum: ut planum sit ex quodam Diplomate Ladislai IV. Anni 1274. in Archiv. Strigon. Eccl. asservato.

N. 2 Quanquam jam sub Bela IV. (qui Banatus cœpit multiplicare) post mortem Colomani Reg. Hal. & totius Sclav. Ducis; legatur *Banus Bosnenensis*, seu *Bosnensis Minosclavus*, & *Dionysius de Viálka*, ex familia de Hedervára, *Banus* totius Sclavoniæ, & Dalmatiæ. *Archid. cap. 47.*

N. 3. Partes autem Serviæ, quantumvis per Emericum, & Andream Regg. extensæ, administrabantur haecenüs per Supremos Comites, scilicet Coviniensem, seu Keweensem: *Machoviensem*, sive *Matschoviensem*: *Orbacensem*, seu *Obracensem*, & *Zebernekiensem*: In has enim provincias, sive Comitatus divisa olim erat tota Servia Juris Ungarici. Meminerunt earum non modò Diplomata vetustiora; sed & Werbōczius, in Catalogo Comitt. *Ung.* Sic in citato Diplomate Andreæ *Martinus* ponitur *Comes Keweensis*: Et in Diplomate Ladislai *Laurentius Comes de Kewe, & Cra-sow*. Sed de his Comitatibus, uti &

variis successivè exortis Banatibus consule *Mag. Nov. Ung. cap. 3.* & seqq.

N. 4. Cæterùm prædicta Coronæ Ungaricæ Sclavica Regna, ut ipse Andreas, vivente fratre suo Emerico Rege, sub *Titulo Ducis* administrabat: ita Filio suo Colomano, Regi Hallicæ, eodem nomine administranda commisit: prout ex suprà dictis patet: *Quæ* etiam Joannes Corvinus, Mathiæ Regis nothus, indultu Uladislai II. R. in Ducatum dein' possedit. Prædictus quoque *Dionysius Hedervári* creatus est ex Bano, *Dux Sclavonie*, & demum *Ungariæ Palatinus*. *Jongelin*. Habuerit is *Bosniam* quoque suo Ducatui subjectam, cùm cit. *Archid. scribat*; misisse Belam exercitum contra *Minosclavum Bannum Bossenensem*, ut temeraria ejus facta ulciscatur: Devastaverat enim Agrum omnem *Traguriensem*.

(ss) Per Comitem Curialem Reginæ isthinc non intelligi Comitem Curialem Parochianum, seu Prefectum Castri cujusdam *Reginalis*, de quali loquebamur suprà art. 5. exinde elicetur; quod quatuor tantum Jobagionibus, scilicet: *Palatino*, *Bano*, *Comiti Curiali Regis*, & *Comiti Curiali Reginæ*, duas Dignitates tenendi, fa-

facultas isthinc indulgeatur: Cùm tamen Reginæ complura Castra, imò integros etiam Comitatus, & quandoque Banatus dotis, aut donationis nomine à Regibus nostris acquisitos, & Regnantes, & Viduæ possidere solitæ fuerint.

N. 1. Sic *Elisabetb*, Mater Ladislai IV. R. Vidua Stephani V. dotis titulō possidebat Banatum Machowiensem, à Bela IV erectum; Bosniam item, ac Comitatus de Posuga, & de Valkov, prout patet ex literis ipsiusmet datis, ut inquit, per manus Magistri Lucæ, Strigoniensis Ecclesiæ Præpositi, Aulæ nostræ Cancellarii, Annô D. 1270. Ipsa verò sequenti titulo utebatur: *Elisabeth, Dei gratiâ, major Reginæ Hungariae, Ducissa de Machow, & de Bosna.* Videri integræ possunt apud Raynaldum ad cit. an.

N. 2. Et Bonfinius *Decad. 1. lib. 1. m. p. 5.* ait: In montibus Sarmaticis, qui Metanaistas à Polonis dividunt; *Cremnicia, Scemnicia, Solium, Bistricia*: In quibus auri sunt altissimæ, argentique fodinæ, *Reginae Beatrici à Mathia Rege dono datæ*. Ut de pluribus Reginarum Urbibus, Castris, & Provinciis taceamus,

quibus *Comites* (*Curiales Reginarum dictos*) præficere solebant.

N. 3. Itaque Comes Curialis Reginæ, *in hoc art.* velut suppar Comiti Curiali Regis, significat Prætorem, seu Judicem Curiæ, ac Aulæ Reginalis, qui causas non modò Aulæ ejus familiarium, & sequacium; sed & sub Castris, & Ditionibus ejus degentium (principaliter, aut per appellationem ad se devolutas) discuteret. *Comites enim Curiæ Parochiani* nullum penitus discutere poterant, nisi populos sui Castri, ut dicitur *suprà art. 5.* Comites verò *Parochiani*, seu Comitatum Supremi; non audebant prædia Nobilium discutere, nisi causâ Mone-
tarum, & Decimorum. *Ibid.* Erat itaque partium Judicis seu Comitis Curiæ Reginalis, discutere etiam Nobiles in Ditionibus Reginarum (& sæpè in fundis, ab iisdem donatis) commorantium.

N. 4. Ex quo etiam vides, *Barones Aulæ Reginalis*, veris *Regni Baronibus* fuisse accensitos. Quot autem Reginales Barones fuerint, saltem quorum nomina, & Dignitates interdum Diplomatisbus subscriberentur; quis exquirat, in tanta præsertim vetustiorum Documento-

torum (etiam quæ extant; superstitione-
nium, ac vanissimo metu occultato-
rum) paucitate? Lego tamen in Diplo-
mate Ladislai IV. de Anno 1274. sequen-
tia: *Paulo Wessprimiensi, Aulæ nostræ Can-
cellario: Philippo Waciensi, Aulæ Dominæ
Reginæ, charissimæ Consortis nostræ, Can-
cellario: - Moys, Magistro Tavernico-
rum Dominæ Reginæ.* Et in Diplomate e-
jusd. de Anno 1273. legitur idem *Philippus
Waciensis, Aulæ Reginæ, Matris Regis Can-
cellarius, & Comes Neogradiensis.*

N. 5. Filios quoque Regum emanci-
patos, suos habuisse Barones; suprà art.
18. ostendimus.

(tt) Non diu viguisse hanc legem,
docent vetusta Diplomata.

*Quod Articuli præmissi, scri-
ptō, & sigillō aureō roborentur, & ad
diversa loca servandi assignentur,
& reponantur.*

ARTICULUS 31.

ET ut hæc nostra tam
Concessio, quam Or-
F 4 di-

dinatio sit nostris , nostro-
 rūmque Successorum tem-
 poribus in perpetuum vali-
 tura ; Eam conscribi feci-
 mus , in *septem paria litera-
 rum* , & aureō sigillō (vv) no-
 strō roborari : Ita , quod u-
 num par , mittatur Domino
 Papæ , & ipse in Regesto suo
 scribi faciat : Secundum pe-
 nes Hospitale : (xx) Terti-
 um penes Templum : (yy)
Quartum apud Regem : Quintum in Capitulo Strigoniensi :
 Sextum in Colocensi : Septi-
 mum apud Palatinum , qui
 pro tempore fuerit , reserve-
 tur :

§. 1. Ita; quòd ipsam scripturam præ oculis semper habens, nec ipse deviet in aliquo prædictorum, nec *Regem*, nec *Nobiles*, seu alios *consentiat deviare*, (22) Ut & ipsi gaudeant sua libertate, ac propter hoc, *Nobis*, & Successoribus, semper existant fideles, & Coronæ Regiæ debita obsequia non negentur.

§. 2. Quòdsi verò *Nos*, vel aliquis Successorum nostrorum, aliquo unquam tempore, huic dispositioni nostræ contraire voluerit; liberam habeant ha-

rum authoritate , sīnē Nota
alicujus infidelitatis , tam
Episcopi , quām alii Joba-
giones , ac Nobiles Regni ,
universi & singuli , præsen-
tes , & futuri , posterique ,
resistendi , & contradicendi
Nobis , & Nostris Successo-
ribus , in perpetuum facul-
tatem. (aaa)

§. 3. Datum per manus
Cleti , Aulæ Nostræ Can-
cellarii , Agriensis Ecclesiæ
Præpositi , Annō Verbi In-
carnati , Millesimō , Ducen-
tesimō , Vigesimō secundō .
Venerabili *Joanne (bbb) Stri-*
goniense , Reverendo Ugri-

no

no (ccc) Colocense , Archi-
 Episcopis existentibus: De-
 siderio Chanadiense : Puber-
 to Vesprimiense: Thoma A-
 griense: Stephano Zagrabien-
 se: (ddd) Alexandro Vara-
 diense: Bartholomæo Quin-
 que-Ecclesiense: Cosma Jau-
 riense : Briccio Vaciense :
Vincentio Nitriense, Episco-
 pis existentibus (eee) Regni
 nostri (fff) Annô Decimô
 septimô. (ggg) Andreæ
Regis Decreti
FINIS.

(vv) De aureo , aliisque Regis nostri
 sigillis vid. *Tyroc. Jur. Ung.* p. 2. t. 13.

(xxx) Scilicet Romanum Gentis Un-
 garicæ, de quo Inchoffer in *Annal. Eccl.*

R.

R. Ungar. ad Annum 1007. ita Romæ scripsit: S. Stephanus, ut peregrini suæ Gentis in Urbe commodius manerent, & Religioni suæ vacarent; Domos, & *Hospitia eis* prope Basilicam Principis Apostolorum ædificavit, additō *Oratoriō*, quod deinde *S. Stephani Ungarorum*, & *S. Stephani minoris*, est appellatum. Cujus tamen memoria, ob fatigantem vetustate structuram, paulatim abolita erat, nisi circa Annum 1497. rebus sub Mathia Rege reflorescentibus, Ungarorum aliquot peregrinorum opera refectis omnibus restituta fuisse. Quanquam hodie (id est, Ano 1643. quō ille scribebat) afflcta Ungariæ felicitate, & ob minus frequentem Ungarorum concussum, situm duntaxat servat, vix formam, & splendorem.

(yy) Itidem *Romanum*, de quo laudatus Inchoffer *l. cit.* sequentia: Non his contentus Rex Stephanus, ut Regnum Hungariæ continuò haberet, quos in Urbe literis, & Religione instructos, Christi cultui propagando, & ornando adhibere posset; eadem de causa, sub Proto-Martyris Stephani titulo, 12. Canonorum Collegium, apud quos reliqui

qui instruerentur, & alerentur, condidit, rebūsque necessariis tum ad victum, tum ad Templi ornamentum stabilivit. Is locus est dictus, *S. Stephani in Piscina*: Qui post aliquot secula, deficientibus quacunque de causa Canonicis, & Alumnis, in Paroeciam, quæ hodie supereft, delit. *Ita ille.*

N. I. Postea refutata eorum Opinione, qui putabant hoc Collegium, & Templum, à S. Rege erectum eò locô, qui hodie dicitur *S. Stephani in Monte Cælio*, vulgò *Rotundi*, subjungit: Illud certius, mutata *S. Stephani æde in Piscina*, ad hanc *in Monte Cælio* migrâsse Ungaros, iisdemque à Nicolao V. P. M. adjunctos fuisse, Fratres Ordinis S. Pauli I Eremitæ, rebus in Ungaria turbatis profugos: Ubi ad tempora usque Gregorii XIII. P. M. per 117. Annos unà habitârunt: Donec is conversioni Infidelium, & Hæreticorum novis ubique Collegiis prospeturus; dictum *Hungarorum Collegium Germanico univit*, ac ut totidem Alumni, quot antea Canonici erant, ex iisdem proventibus unà alerentur, instituit: Neque solùm; sed ut inter Ungaros tres dicti Ordinis Eremitarum fratres conti-

nuò

nuò numerarentur , sancivit. *Haecenus
sacer Romanus Historiographus.*

N. 2. *Quem consule sis , de aliis quoque sacris ædificiis , quæ idem S. Rex extra Ungariam excitavit. Et quidem de Templo S. Petri ad vincula Ravennæ posito , adjectaque ei Abbatia , & Hospitali peregrinorum ; Item de altera Basiliæ , mirifici operis Constantinopoli erecta , & Canonicorum Collegio ornata , ad cit. An. 1007. Demum de Hierosolymitana , cum adjuncto Monachorum cœnobio , & peregrinorum Hospitio , ad An. 1010.*

(zz) Alludit ad eam Palatini autoritatem , quæ dein' lege definita , & declarata est , *An. 1481. art. 6. inter Palatinal.*

(aaa) Hic §. seu præsens clausula hujus Decreti excluditur , & semovetur tum à præsenti Decreto , tum à Formula Juramenti , quâ se Reges nostri tempore felicis suæ inaugurationis ad observanda signanter præsentia Andreæ II. privilegia obstringere solent , per art. 4. *An. 1687. Congruit art. 1. An. cit. & item 1. An. 1715. Nec non art. 2. An. 1741 in quibus Juramenta Josephi , & Caroli , ac*

Mariæ Regg. continentur. In reliquis autem omnibus suis punctis, conditionibus, & clausulis præsens Decretum (cui velut basi, & primario fundamento, Ungaricæ Gentis prærogativæ, libertates, & exemptiones innituntur) in pristino suo vigore, & statu permanere jubetur, & quatenus opus sit, innovatur per *cit.*
art. 4. Quo sensu dicta clausula ævō Patrum, & Avorum nostrorum accepta fuerit; depromit Petrus de Réwa *Centuriā III. m. p. 15.* Similiter respectu *Transsylvaniae*, excluditur dicta clausula, in Decreto Leopoldino *art. 3.* Et in Resolutionibus Regiis, An. 1742. Die 20. Iulii emanatis, statim sub initium.

(bbb) Scilicet Duce Meraniæ, seu Tyrolis, Carinthiæ, Istriæ &c. Fratre Reginæ Gertrudis: De qua ob prænarra-tum facinus neci danda interrogatus, his ambiguis verbis respondit: *Reginam occidere nolite timere bonum est: Si omnes consentiunt, Ego non - - - contradico.*

N. 1. Iste Calano Palliato, Quinque-Ecclesiarum Episcopo, Insulam Strigoniensem præripuit: Liberalis dein in suum Capitulum, donatis ei decimis

Tyr-

Tyrnaviensibus: quas hodieum Capitul.
possidet.

N. 2. Successorem in Colocensi Ca-
thedra nactus est Fratrem suum Ber-
zholdum, qui simul egit Wajvodam Tran-
sylvaniæ, dein' transiit ad Patriarcha-
tum Aquilejeniem. Hujus Uxorem, quam
Clericis adscriptus, Virginem reliquerat,
sibi matrimonio junxit Chephanus Pa-
latinus de gente Hedervariorum.

(ccc) De isto Præsule Archidiaconus
in descriptione conflictus cum Tartaris
sub Bela IV. infeliciter gesti ait: Colo-
manus Rex (scilicet *Halliciæ*, de quo su-
prà) & Hugrinus Archiep. & Magister
Militiæ Templi, ut strenuos decebat Vi-
ros, non (ut cæteri) se quieto sopori
dederunt, sed totam noctem sub armis
ducentes pervigiles &c. Item: Hugri-
nus ergo, ut erat Vir constanti libera-
te intrepidus, elevata voce cœpit Re-
gem (*Belam*) de negligentia increpare,
& omnes Barones *Ungariae* de ignaviæ
torpore arguere &c. Et mox: Tanta
fortitudine inter confertissimas hostium
catervas ferebatur *Hugrinus*, ut velut
fulminis ictum magno cum clamore vita-
rent. Similiter & *Colomanus*, & Tem-
pla-

plarius cum suis Commilitonibus Latinis
 (*Italis*) magnas strages ex hostibus fa-
 ciebant : sed impetum multitudinis jam
 non valentes sufferre Colomanus , & A-
 Episcop. acriter vulnerati , vix eva-
 furent ad suos : Magister verò *Templarius*
 cum tota acie Latinorum occubuit . *Ita*
ille.

N. 1. Qui postquam narrasset , multa
 Ungarorum millia ad quandam paludem
 per Tartaros esse compulsa , & aquis ,
 ac lutō absorpta , & extincta , subjun-
 git : Ibi ille fortissimus Vir *Ugrinus* pe-
 riit : Ibi Mathias Strigonensis : Ibi
 Gregorius Georiensis Episcopus : Ibi
 multa Prælatorum , & Clericorum turba
 occubuit . Infelices , *inquit* , & miseri ,
 qui multò meliùs se , suūmque populum
 piis votis , intentisque precibus juvare
 poterant in sacris ædibus supplicando ,
 quàm materialibus armis accincti , in
 Castris laicalibus pernoctando . *Hacce-*
nus Archidiaconus solita synceritate.

N. 2. Bela ex maritimo exilio Regiæ
 Budensi restitutus , memor ejus , quod
 Pater statuerat ; nempe ut *si quis Joba-*
gio habens honorem in exercitu fuerit mor-
tuus , ejus Filius , vel Frater congruo ho-

nore sit donandus (veniunt enim in sensu latiori nomine *Jobagionum*, seu *Baronum Regni*, etiam *Prælati nostri*, arg. b. 31. p. Quod si verò 2. V. tam *Episcopi*, quam alii *Jobagiones*) Ugrinum , Nepotem Colocensis Pontificis , ex *Præposito Capituli Csázmentis* , in *Archiepiscopum Spaltensem* eligi procuravit , eundemque cum *Dignitate Comitis amplæ* , ac opulentæ illi Civitati præfecit , & quarundam Insularum Dominium ei adjecit : Regia prorsus liberalitate , Virtutem Patrui in Nepote remuneratus.

N. 3. De eo , sæpè laudatus ejusdem Ecclesiæ Archidiaconus , multis ante ad eandem Infulam electus , sed electioni sponte cedens (qui in causa Hugrinī Neo-electi , ipse Legatum Capituli , & Civitatis apud Belam egerat) vituperio , & laude digna non dissimulat. Erat , (ut inquit cap. 47.) sanguinis Nobilitate turgidus , juvenili calore pomposus (annum agebat circiter 40.) staturæ proceritas , & faciei venustas , quibus cæteros præcellebat , non permittebat eum mediocria de se sentire. Et infra: Fuerat Vir literatus , & naturali facundia præditus , & maxime in Divina Pagina eru-

eruditus. Studuerat enim apud Parisios, annis ferè duodecim in Theologica facultate, subministrante sibi Scholasticos sumptus Hugrino Colocen. Archiep. patruo suo: Emerat enim sibi cum multa quantitate pecuniæ totum Corpus Bibliæ cum Commentis, & Glossis, sicut solet legi à Magistris in Scholis. *Hæc ille* : Ex quo videas, quanti tunc Theologicum studium Nostrates fecerint, & quot annorum labore, sumptu, ac peregrinatione Sacrorum scientiam sibi comparârint.

(ddd) Nominat Zagrabiensem, & omittit Transylvaniensem: Ex Ungaris item Prælatis Bächiensem; Fors quia a Cathedra hujus Ecclesiæ jam canonice unita erat Colocensi, *translata*, aut probabilius *relata* ad eam sedem Insulâ Episcopali. Quamquam Andreas nec in hoc, nec in aliis, quod sciam, Decretis suis, hujus unionis meminerit: Sed meminit saepius Archiepiscopi Colocensis, non item Episcopi, aut Ecclesiæ Bächiensis.

N. i. Quando autem hæc unio, aut quo procurante, & concedente facta sit? Iubens discerem. Hactenus multi in resolvenda hac quæstione oleum, & operam perdidere. Vid. Lad. Thurióczy, lib.

i. pag. 113. & 129. Sed nota : Urbem Colocensem in Zsoldiensi, non verò in Báchiensi Provincia esse sitam.

N. 2. In Instrumento fundationis Cathedralis Ecclesiæ Zagrabiensis , factæ à S. Ladislao , hæc clausula continetur : *Strigonensis Ecclesiæ primatum gubernante Acha , Baaciensi Archi-Episcopo Fabiano , Vesprimensi Episcopo Cosma , Palatino Comite Jula , Simigiensi Comite Grab.* In Privilegio Colomani Reg. Ung. Annô 1111. Ecclesiæ Arbensi in Dalmatia concessò , ultimô locô inter Prælatos legitur *Tulbertus Colocensis Episcopus.* In Diplomate verò Stephani II. filii ejusd. Colomani , quô confirmat Privilegia Civitatis Traguriensis , Annô 1124. post *Marcellum Strigonensem* , his formalibus subscrispsit Báchiensis : *Ego Gregorius Baacens. Archiepiscopus laudo , & confirmo.* Successit *Marcellus* iste , Collega *Gregorii* Bácchiensis Archipræfulis , in Cathedra Strigonensi , *Laurentio* , qui item sub Colomano floruit , & synodum celebravit , cum decem suffraganeis suis : ut videre est apud Péterffi S. J. Jam , si Laurentius Strigonienis habuit decem suffraganeos , quos ergo Báchiensis ? Neque

que recurri potest ad Episcopos Dalmatiæ , & Croatiæ , quos propriis subfuisse Archiepiscopis , fide Diplomatum , & Historiarum constat. *Belgrado Serviorum*, ex Regibus Ungariæ primus Episcopos designâsse legitur Carolus I. *Sirmiensis* , & *Bosnensis* , seu Diákojensis (in Comitatu Valkonensi sedem habens) Episcopatus , probabilius primùm sub Bela IV. ad comprimendam Hæreticorum , & Schismaticorum , Savi accolarum audaciam , sunt excitati , ut probè ostenditur *In Imagine Nov. Ung cap. 8.*

N. 3. Itaque cendum , Laurentii *Strigoniensis* ætate , unicum in Ungaria fuisse Archiepiscopatum: Id quod *Otrokóczii* , postremis etiam temporibus Regni S. Stephani accidisse , deducit ex M. S. Anni 1037. Ut proinde post fata Astrici , seu Anastasii [cuius obitum notat *Inchoffer ad An. 1034*] qui Sebastiano Strigonensi Archimystæ , oculis captio , volente Papa , & S. Stephano R. trienniō vicariam præstabat operam , Palliumque , quod in Sede Strigonensi acquisierat , consanato subinde S. bastianō , ad Colocensi transtulerat : longiori tempore sedis hujus Pontifices , Epi-

scopi duntaxat fuerint. Donec Metropolitana dignitas , quam Bachienses interea (neicio quando , vel quo procurante) consecuti sunt ; ad Colocensem Cathedram transferretur. Quod circa Annum 1151. factum esse oportuit : Cùm eō Annō in Donationibus , quēis *Martyrius Metropolita Strigoniensis* (quem aliqui *Martinum* per errorem impreſſerē) certas Decimas confert suo Capitulo ; jam legatur *Mico Colocensis Metropolita*, ante omnes Episcopos subscriptus. Ut proinde *Gregorius* videatur fuisse ultimus Bachiensium , & *Mico* primus Colocensium Archimystarum , post deceſſum Anastasii.

N. 4. Eodem fors tempore proinde sub Geyza II. qui Ecclesiam Nitriensem Collegiatam , adjectis amplioribus latifundiis , Cathedralem effecerat ; majoris amplitudinis , & splendoris gratiā , Sacerdotium Bachiense , Colocensi , consensu Romani Pontificis , proinde *Canonice* fuerit adjunctum. Namque post annum 1156. inter Episcopos nusquam reperitur seorsim nomen Bachiensis , sed idem Antistes vocatur : *Colocensis* , & *Bachiensis Ecclesiarum canonice unitarum*

Archiepiscopus. Quanquam hæc ipsa formula raro admodum in vetutioribus Diplomatibus occurrit. Sic in Confirmatione Præposituræ Thurócziensis, An. 1252. ponitur: *Stephano Strigonensi*, *Benedicto Colocensi*, *Metropolitis*: *Lamberto Agriensi*, *Gallo Transylvano*, *Pousa Bosnensi* &c. *Episcopis.* In donatione Ladislai IV. An. 1282. facta *Kemén*; à quo Familia Comitum, & Baronum *Kemény* in Transylvania florens: ex qua & Princeps Transylvaniæ *Kemény János*: & Districtus *Kemenes allya*, in Comitatu *Castri Ferrei*, ubi olim Bona potissima hujus illustris, & Palatinalis Familiæ Magistro Pincernarum, Comiti de Barana, filio Laurentii Palatini additur: *Unum Venerabilibus Patribus*, *Lodomerico Strigonensi*, *Joanne Colocensi*, *Ecclesiarum Archiepiscopis*; item *Gregorio Chana liensi*, *Pouka Sirmiensi*, *Thoma Boznensi*, *Puska Nitriensi*, & *Ladislao Vaciensi Episcopis.*

N. 5. Hæc occasione Prælatorum: quorum nomina, *prima in Corpore Juris nostri* leguntur, insinuare idcirco visum est; ut (qui in abstrusis his Ungaricæ Antiquitatis difficultatibus, certiora fortassis in medium adferre possent) scrinia

sua' referent, & arrosa, vel vetustate putrescentia Tritavorum suorum M. S. ad illustrandas res Patriæ hilares conferant.

(eee) Prælati Ecclesiarum Illyricarum hactenus nominari non solebant in Diplomatibus, confectis super negotiis, *solam*, aut saltem *principaliter* Hungariam tangentibus : Quamvis interdum nominarentur, saltem aliqui eorum, si Diplomata in *Illyrico*, aut verò *principaliter* de rebus Illyricis emanarent: ut planum sit ex Diplomatibus suprà allatis.

N. 1. Subscribebant autem quandoque velut Testes, & approbatores Regiarum Donationum, Principes isti Ecclesiarum nostrarum, & Regni Barones; illà superiùs insinuatâ formulâ: *Ego T. & T. laudo, & confirmo: prout cit. Diplomati Stephani II. subscripsit Gregorius Baacens. Archiepiscopus, & ante illum: Marcellus Strigon. Post illum verò Simon Quinte-Ecclesiensis, & septem Comites. Diplomati autem Colomani cit. præter Palatinum, & Appam Comitem, Thomas Albensis, Jacobus Bosordiensis, Ugudi Wazvariensis, & Slaviz Novogradensis Comites.*

N. 2.

N. 2. Plerisque tamen literis, & Donationibus haud subscribebant, sed velut memoriæ, & honoris causâ per Regios scribas eorundem nomina (prout hodiéque practicatur) velut , saltem implicitè, ac præsumptivè Donationi, aut Constitutioni consensum præbentium, subjiciebantur. Sic in literis Andreæ II. *Anni 1209.* suprà attactis, post Prælatos ; Palatinum, Banum, & Vojvodam additur : *Marcello Bachiensi, Iula Budrugiensi, Martino Keweiensi, Ochuz Supruniensi, Moys Ferrei Castris, Mocche Posoniensi, Comitatus tenentibus, Regni nostri anno quinto.*

N. 3. Ex quibus vides , non omnes Prælatos , neque omnes Regni Barones, sed (demptis Archi-Episcopis , & Palatinô, qui plerumque nominabantur (jam hos, jam illos fuisse Regiis literis, de stylo ejus temporis insertos : Additis quandoque nominibus quorundam supremorum Comitum, maximè eorum, qui Confiniis Regni præerant. A temporibus tamen Caroli I. id est ab Anno circiter 1300. non facile inveniuntur in Diplomaticis Regiis supremi Comites præter Posoniensem , & Temesiensem (qui circa id tem.

tempus Baronibus Regni accessisse videntur) nisi simul Aulæ Ministerium , vel alium quempiam Baronatum gesserint.

N. 4 Ex his porro etiam patet , quo sensu accipiendus sit Werbōczius , qui p. i. t. 94. dicit : *Sunt itaque veri Barones , quorum ab antiquo nomina , Decretis , & literis confirmationalibus Regiis inseri consueverunt.*

(fff) Cùm in minoris momenti , & considerationis Diplomatibus , ut : de procurata Insula Abbatibus S. Benedicti de Garam &c. Andreas præter Prælatos , Barones quoque , & aliquot Comites Parochianos exprimi jusserit ; mirum vide ri potest (nec tamen ratio succurrit) cur ad calcem tam *Celebris Decreti* nullus omnino Baronum , vel Comitum locum sortitus fuerit. In Privilegio autem amplissimo toti Saxonum nationi , Transsylvaniae incolenti , sive ut ipse loquitur : *Teutonicis ultra Transsylvaniae* , itidem post Expeditionem Hierolymitanam (cuius tamen illic non meminit) Annō 1224. concessō , & sub dupli sigillo , expedito (quō limites Provinciæ eorum designat) Judicem Genti peculiarem , seu Comitem Nationis constituit , Tributa , &

Ban-

Banderium definit, Jus Patronatus Ecclesiarum concedit, sigillum peculiare tribuit, à nculo, telonio, tricesima, mercatores eorum eximit, si quis *Jubbagionum*, à Regia Majestate villam, vel prædium aliquod, in Provincia ipsorum impetraret; contradicendi potestatem eis indulget &c.] in hoc inquam, tam illustri Privilegio ne Prælatorum quidem quemquam nominat. Videri illud integrum potest, apud Toppeltinum de Medgyes, *in Originibus, & Occasu Transylvanorum, cap. 3.* Dignus tamen erat, qui nostro Decreto subscriberet: *Jula, filius Borz, Comes Palatinus Ungariae, & Comes Bodrogiensis, cognomento Magnus.* Saxonum autem privilegio *Philippus Comes de Szepesújvár Regni Hung. Palatinus: illis Decretis coævi Patriæ Principes; teste Jongelino.*

(ggg) Gloriatur *Lucius in Historia sua Dalmatica*, à Regibus Croatiæ, & Dalmatiæ manasse consuetudinem ad Reges Ungariæ; Diplomatis suis, Prælatorum & Principum Regni sui nomina subjiciendi. Ejus gloriæ nec assentior, nec refragor: Cùm Decreta Regum nostrorum, priusquam Illyricum Ditionibus suis

suis adjecissent, ejusmodi nominum subscriptionibus firmata, haud inveniam.

N. 1. *Quin ipse Colomanus, Dalmatiæ Triumphator, in Privilegiis suis Illyricis, morem Illyricorum Regum, in Ugaricis Ungaricorum secutus fuisse videtur: Cùm his nulla, illis complura Illustrium Vrorum nomina subscripta conspiciantur.*

N. 2. In fundatione Episcopatus Quinque-Ecclesiensis hæc solùm clausula invenitur. *Dat. decimo Kalend. Septemb. Indict. septima, An. Incarnationis Domini millesimo, nono, Pio Stephano regnante, anno nono. Actum in Civitate Jauryana. Quam Regis Cancellarius, aut Secretarius suo sensu videtur adjecisse. Principiō tamen generatim meminit Regni Prælatorum, & Baronum his verbis: IN NOMINE SANCTISSIMÆ TRINITATIS, & INDIVIDUÆ UNITATIS. STEPHANUS HUNGARORUM REX. Noverint omnes fideles nostri, præsentes videlicet & futuri, qualiter Nos, cum consensu Sanctissimi, Apostolici, & in præsentia ejus Nuncii, Anonis Episcopi, & aliorum nostrorum Episcoporum, Marchionum, Comitum, nec non minorum quoque Perso-*

na-

narum, erectionem Episcopatus, qui vocabitur Quinque-Ecclesiensis, statuimus in honorem Dei, & omnium Sanctorum, Beniperto ibi Episcopo facto privilegiis, terminisque ordinavimus, & confirmavimus &c. Designatis dein' ejus Dioecesis limitibus sub-jungitur: Et ut hæc nostra ingenuitas authoritatis, stabilis, & inconcussa permaneat, banc chartam inde conscriptam Sigilli nostri impressione insigniri jussimus.

SIGNUM STEPHANI REGIS HUNGARORUM.

N. 4 Non dissimulandus est hoc loco error quorundam, emunctæ alias naris Criticorum, qui ex eo, quod S. Stephanus dixerit, Episcopatum se erigere, *qui vocabitur Quinque Ecclesiensis* (id cest, cuius sedes erit in Urbe ejus nominis) inferunt Urbem illam tunc coepisse compellari *Quinque-Ecclesias*, eò quod *quinto loco*, illud à S. Rege excitatum sit Episcopium. Quod fundamentum autem ipsi existiment, *quinto* potius, quam *alio loco*, & ordine illud erectum esse; planè non indicant: Neque apud veteres ullum ejus rei vestigium invenitur, sed sunt

sunt meræ eorundem conjecturæ. Constat enim ex Historia Conversionis Bojoariorum, & Carenthanorum, seu Bavavorum, & Carinthorum, circa Annum Christi 858. dum S. Methodius in Moravia prædicare cœpisset, à quodam (ut conjicere licet) Ecclesiæ Juvavienis, sive Salisburgensis Clerico conscripta; jam tunc eam Urbem, Quinque-Ecclesiæ vocitatem fuisse: A Quinque, ut apparet, celebrioribus Gentilium Basilicis, seu Fanis.

N. 4. Etenim ejus Historiæ Author narrat, pag. m. 19. sub Privinna, seu Priwina, alias Slavorum Nitriensium Principe, sed à Moravis sede pulso [cui Ludovicus Rex, Caroli M. Filius, apud se exulanti, primò in Feudum, dein jure perennali, amplam Regionem dodo dedit, circa, & supra Dravum, & Savum flumina) à Juvaviensibus Episcopis consecratas esse Ecclesiæ, ad Salapurgim, seu Salapurgum, hodie Szalavár, in Comitatu cognomine: Ad Lindaves-Chirchen, hodie Lindva, aut Lendva, Germ. Limpach, in Comitatu eodem: Ad Isangrimes-Chirchen: Ad B. V. Chirchen: Ad V. Basilicas: Ceterisque locis, ubi Privinna (id

(id est , Pruno) & sui voluerunt populi . Ita ille . En ea jam ætate , Urbem illam , Quinque-Basilicas , seu Fünf-Chirchen , à Germanis vocitamat .

N. 5. Ad quod allusisse censendus est Petrus Rex Hungariæ , & ipse Teutonicus , Basilicam Cathedralem , ita quatuor vastis , & altis , atque à Navi Templi longè procurrentibus Sacellis munitam erigens ; ut sub eadem tectorum compage Quinque-Ecclesiæ , seu totidem Basilicæ esse viderentur .

N. 6. Ungari verò suâ linguâ maluerunt à Peucinis , loci conditoribus , & incolis Urbem Péch , seu Fécs [antiquè Pence , seu Pöce , teste Bonf. i. p. m. 23.] cognominare . De hac ita Inchoffer ad An. 1009. Civitas Pence , vulgò Péts , seu Péchel , Pécz , ex Peucinorum reliquiis , ad Dravum fluvium (in distantia 4. circiter Leucarum) assurrexit . Bastarnæ scilicet ex Germanis oriundi , cùm ad ostia Danubii Peucen insulam , infra quam Darius aliquando pontem construxerat , occupassent ; Peucini appellati sunt , ad quos ex septenis ostiis per Hierostomum , quod maximum est , navigatio centenis , & viginti stadiis patebat . Hacenus ille , citans

se Strabonem lib. 7. & subjungens: Hoc loco tam celebri, & postea ex felicitate Cœli, ac soli, fertilibus vitibus passim exculto, Stephanus Episcopatum erexit.

N. 7. Sed ut ab utili hoc Episodio ad vetustiorum Diplomatū Clauses regressum faciamus. In celeberrimo illo Privilegio (cujus originale S. Regis manu subscriptum, se vidisse testatur Card. Pazmánus, in Appendice II. Synodi Annō 1629. Monasterii S. Martini in monte supra Pannionam siti, à Genitore S. Stephani incepti, & ab ipso, ut inquit, ob animæ suæ remedium, pro stabilitate Regni sui, ad finem perduci; talis est clausula: Quod ut verius credatur: hanc paginam manu propria roborantes, sigillari jussimus. Datum An. 1002. Regni nostri secundo, Indict. XV. Principium verò ejus tale: IN NOMINE DOMINI DEI SUMMI. STEPHANUS, DIVINA PROVIDENTE CLEMENTIA, HUNGARORUM REX. Credimus, & verè scimus, si locis Divino cultui mancipatis, potestates, atque honores adaugmentaverimus, id non solum laude humana prædicandum, verùm etiam Divina mercede remunerandum. Quo-

circū

circa &c. Dein narrat , se interventu ,
 consilio , & consensu Domini Anastasii Ab-
 batis dicti Monasterii , talem eidem conces-
 sisse libertatem , qualem detinet Monasterium
 Sancti Benedicti in monte Cassino. Quia ,
 ut inquit , propter orationes sanctas fratrum
 ejusdem Monasterii , consiliante Domino A-
 nastasio , & jugiter adjuvante , confortati ,
 & laureati sumus. Singulare namque suf-
 fragium , quod per merita S. Martini in
 me à pueritia expertus sum , memoriae po-
 sterum tradere curavi. Ita Rex Sanctissi-
 mus. Meminit subinde ingruentis bello-
 rum tempestatis , qua inter Teutonicos , &
 Hungaros seditio magna excreverat , præ-
 cipue , cum civilis belli ruina urgeret , vo-
 lente Comitatu quodam , nomine Simigien-
 si , paterna me ait sede repellere , astantibus
 Ducibus , videlicet Pazzano , Cincio , Or-
 thio , Dominique meo Archi-Episcopo (Se-
 bastiano Strigon. quem ex eodem Mo-
 nasterio promoverat) Votum vovi S.
 Martino , quid si de hostibus &c. En Testes
 concepti Voti ! nuspian autem Testes
 presentis paginæ. Sub finem tamen
 statuit Testem , sed qui simul Judeus futu-
 rus est vivorum , & mortuorum , dum
 ait : Præcipimus itaque sub testificationibus

Salvatoris Domini nostri JESU Christi (En-
Testem hujus Privilegii , sed simul etiam
Vindicem) ut nullus Archi-Episcopus , E-
piscopus , Dux , Marchio , Comes , Vice-
Comes , seu aliquis homo , magnus , sive
parvus , de jam fato Monasterio , aliquo
modô se intromittere , in mancipiis , terris ,
vineis , decimationibus , punctionibus , ri-
pis , placitis , sine concessione Abbatis ejus-
dem Monasterii audeat . Quod qui fecerit ,
componat centum libras auri optimi , me-
dium Cameræ nostræ , ac medium prefato
Monasterio , suisque Rectoribus , maledictio-
nisque perpetuae vinculô feriatur . Hacte-
nus Privilegium , cuius Transgressores ,
ut vides , præter gravissimam poenam
pecuniariam ; fulmine etiam Apostolico ,
per Episcopum prævaricatoris , ad re-
quitionem Abbatis infligendo , coer-
centur . In quo , licet humanum nus-
piam allegetur Testimonium , inviolabi-
le tamen esse debet , ac perpetuum .

N. 8. Has Primi , & SS. Regis nostri
Donationales , & Privilegiales adducere
vel idcirco placuit , ut moderni specimen
aliquid videant stylis , quô olim res gra-
vissimæ apud Nostrates expediebantur :
Quæ si hodie emanarent , procul dubio
omnes

omnes Prælati, etiam Dalmatiæ, omnésque Regni Barones, ad calcem adjecta legerent sua nomina. Quod utinam olim etiam observatum fuisse! Multarum sanè illustrium Familiarum, & vetustorum Gentis nostræ Heroum nomina, ex Regum Diplomatis, avidè nunc disceremus. In Diplonatibus certè, ac Privilegiis Regum Croatiæ, & Dalmatiæ, ante ætatem S. Ladislai, & Colomani Regg. emanatis, quæ *Lucius*, præsertim lib. 2. copiosa recitat, ubique fere *Episcopi*, *Abbes*, *Priores*, *Juppani*, *Postjuppani*, catervatim subscripti inventiuntur.

N. 9. Ex iis autem, fortè lux affulgebit etiam obscuræ citati privilegii S. Stephani, qui post collatas in perpetuum Decimas Comitatū Simigienis sæpè dito Monasterio S. Martini subjungit: *Et ne Episcopus Parochianus* (scilicet Weßprimiensis) *injurias*, *querimoniásque in collectione Decimarum pateretur*, ei Curtem, quæ vocatur Cortem, cum hominibus eodem pertinentibus tradidi. In erectione scilicet Episcopatūs, quæ fors in eundem 1002 aut priorem Annum incidit: Gy selâ Reginâ, subinde Anno 1006. Eccle-

siam Cathedralem , propriis impensis ædificante , abundéque dotante ; ut refert Inchoffer , ad cit. An. 1006. Per Curtem , quæ vocatur Cortem , quid intelligi debeat , ab Eruditis ambigitur. Eorum tamen potior nunc opinio est , intelligi Curiam , Castrum , seu Residentiam Kupán Ducis Simighiensis , vulgò Sümegh , hodieum ab Episcopis Weszprimiensibus possessam. Sed de hac Quæstione prolixius nunc disputare haud vacat. Adiri potest Libellus , à nobis in Transylvania , Typis Claudiopolitanis Annō 1744. vulgatus sub Titulo : *Decreta , & vitæ Regum Ungariae , qui Transylvaniam possederunt. Pars Secunda.* Pag. 68. & seqq. Ubi opinionem nostram variis pervetus Diplomatibus , & rationibus stabili- vimus.

N. 10 Non absimile Diplomati Archi-Cœnobii S. Martini Montis Pannoniæ , est illud ; quod idem Sanctissimus Primus Rex Noster STEPHANUS dedit Monialibus Monasterii B. M. V. de Valle Weszprimensi ; lingua Græcâ , super majori Pargamenæ , seu Membranæ phylla eleganter scriptum , Sigillóque majori ceræ impresso , ipsiusmet S. Regis seden-

sedentis, ac Sceptrum dexterâ, Mundi globum sinistrâ tenentis effigiem referente munitum: cum adjecta (quantum legi potest) circumscriptione, latinis characteribus expressa: STEPHANUS D. G. REX TOTIUS UNGARIÆ. Quod quia ipsi vidimus, & cum veneratione legimus, Versionemque Latinam cum Originali Græco contulimus; non fraudabimus gustum Eruditî Lectoris, pretiosis id genus Antiquitatum Cymæliis delectari, ac irritari solitum.

N. II. Itaque præmissô (in eodem ductu primæ lineæ) majusculô salvificæ Crucis signô ✠ juxta fidelem omnino, & accuratam interpretationem, sic insit:

„ In nomine Patris, & Filii, & Sancti Spiritûs. Constituo Ego Stephanus Christianus (a) qui & Rex totius Ungariæ (b) curantem, & administran-

H 3 tem,

(a) Utitur prædicato *Christianus*, seu Christi Confessor: Licet signum S. Crucis, & Confessionem SS. Trinitatis præmisserit; Ut non *Re* solum, sed & *Nomine*, sc. in ipso Vestibulo, à Paganis, prioribus Ungarorum, & Modernis vicinorum Populorum Ducibus, ac Principibus magis distinguat. Poterat ex merito uti etiam Prædicato *Christianissimi*: ut hodie Reges Franciæ.

(b) Itaque jam tunc *Gyulam* Transylvaniensem, & *Kupán* Szinighiensem *Duces* debellaverit: Provinciasque

„ tem , & gubernantem Monasterium
 „ super Sanctæ DEI Genitricis Metro-
 „ politanum (c) quod est in Wesprém,
 „ & in illo collectam multitudinem Mo-
 „ nialium, pro animæ meæ salute, unà
 „ & Conthoralis , & Filiorum meorum
 „ (d) & Pannoniæ universæ. Et do an-
 „ nuas eidem Monasterio Nonas , cum
 „ Prædiorum numeris. Istud jure juran-
 „ do affirmo. Nomina ideò Prædiorum
 „ illorum sunt ista : Primum Zaarberén,
 „ habens caminos quadraginta octo , &
 „ Piscatores sex. --- Post subnexa reliquo-
 „ rum Prædiorum , & Possessionum nomina,
 „ quæ ex adducenda mox Colomani Regis in-
 „ terpretatione , limpidiūs patescent ; Ita
 „ Donationem suam S. Rex prosequitur :
 „ & alia plura do , ad honorem Sacro-
 „ sanctæ Deiparæ, Metropolitano pro
 „ Monasterio , ut donec steterit Cœlum,
 „ & terra , ut sint Monastetii. Do etiam
 „ po-

Eorum (quæ priùs erant *liberi Ducatus*) Regno Ungariæ
incorporaverit.

(c) Seu à jurisdictione Dicecesani Episcopi exemptum,
& Metropolitæ Strigoniensi immediatè subjectum.

(d) Plures habuisse S. Regem filios ; vel hinc cer-
tum est ; Et firmatur sententia Inchofferii , idipsum tra-
dendis. Reliquoruim nomina præter Henricum (Hungaris
detortè *Emoricum*) Patrui sui , S. Henrici Imperatoris
nomen gerentem , intercidisse , dolendum.

„potestatem in hac habitatione , ut no-
 „lentes habitare sub disciplina sanctæ
 „mansionis ; impatiens ordinationis Ab-
 „batisæ , & Sororum ; ut expellatur ex
 „loco invita , & non volens. Si verò
 „quis præsumperit ex illis , quæ dedi
 „ad hanc habitationem abscindere , aut
 „abalienare aliquid , aut ex Generatio-
 „ne mea , aut alter aliquis , five Reges ,
 „five Principes , five Belliduces , five E-
 „piscopi , five alii aliqui ; ut habeat A-
 „nathema à Patre , & Filio , & Sancto
 „Spiritu : Gloriosa Domina nostra DEI
 „Genitrice , & semper Virgine Maria :
 „Gloriosis Apostolis : Et trecentis de-
 „cem , & octo Patribus : (e) Et omni-
 „bus Sanctis (f) & à Me Peccatore.
 Hactenus Diploma Sanctissimi Regis no-
 stri , qui se *Peccatorem* palam nominare ,
 non erubuit .

H 4

N 2.

(e) Qui nempe interfuerunt Concilio Nicæno : Quo-
 rum summa semper , præsertim apud Græcos , veneratio .
 Unde eorundem Authoritatem , Græcorum imitatione ,
 S. Rex noster Diplomati suo Græco interposuit .

(f) En *Sanctorum Invocationem* iam tunc in Unga-
 ria gravissimis Negotiis , & Juramentis adhiberi solitam .
 Orat enim Rex *omnes Sanctos* , ut in Vindictam Sacrilegæ
 rapinæ , *Anathema* , seu Maledictionem impetrant , contra
 invasores suarum Donationum .

N. 12. Græci idiomatis, tunc in Un-garia pari ferè passu cum Latino crescen-tis, notitiam habuisse S. Stephanum; extra controversiam est; Fuisse autem, hujus Metropolitani Monasterii de Val-le Vesprémiensi incolas, *Moniales Græcas*, ex Orientis Partibus accitas, & Re-gulam S. Basilii (Monasticæ Vitæ in Oriente Authoris) secutas, proinde *Basilianas* (quales hodie dum in Græcia, Bulgaria, Valachia, Reliqq. millenæ dan-tur) non ex vano conjicimus. Cùm sicut ex *Latio*, Monte nimirum *Cassinen-si* accitis Monachis, in Monte Panno-niæ dein' collocatis, Latio idiomate, ut suprà retulimus; Ita his, idiomate Græ-co, Fundationales, seu Donationales suas Rex piissimus expediri jussit. Qui-bus tamen quacunque de causa (fors quia Virginibus *Ungaris* haud animus esset, Græcis semet adjungere, & ex Oriente, pauciores adventarent) lapsu temporis deficientibus, circa Annum 1109. Bene-dictinæ, Latium, in sacris Ceremoniis ri-tum, Regulámque S. Benedicti secutæ, successisse videntur: Cùm nullus alias Religiosarum Virginum Sacer Ordo tunc in Ecclesia DEI, seu Orientali, seu Oc-ci-

c'dentali , præter *Basilianas* , & *Benedictinas* floreret . Quæ dein' reformatio-
nem S. Bernardi (ut multa alia , Virorum ,
ac Mulierum Monasteria) recipientes :
dictæ sunt recentioribus Sæculis *Bernardinae* , seu *Cistercienses* : ut plurium subse-
cutorum Regum Diplomatibus , Fassio-
nibus , Cambialibus , aliisque Instru-
mentis authenticis docere possumus .

N. 13. Atque harum in gratiam Annô
suprà citatô *Coiomanus Rex noster* (vul-
gò *Könyves Kálmán*) Privilegium , seu
Donationales S. Stephani in linguam la-
tinam traduci , eidemque Membranæ ,
charactere Gottico , tunc usitatissimo ,
inscribi jussit : additis quibusdam , & con-
firmatis , quæ interea temporis , dictum
Metropolitanum Monasterium , justis Ti-
tulis acquisivit . Ita autem ibi ad Ver-
bum :

„ Annô Dominicæ Incarnationis Mil-
„ lesimô Centesimô Nonô , præcipiente
„ Christianissimo Rege Colomano , reno-
„ vatum est hoc Privilegium bezprinen-
„ sium (*ita illic scribitur*) Monialium . Cau-
„ sa autem renovationis hæc sunt . Cùm
„ totum Privilegium S. Stephani de omni-
„ bus pertinentiis ejusdem Monasterii ,

„ Cera Sigillô ejus insignita esset invo-
 „ lutum, & inevitabili necessitate qua-
 „ rundam litigationum fuisset apertum,
 „ Causisque , quæ emerserant extinctis ,
 „ & exinanita fide veteris Privilegii (g)
 „ oportuit novum fieri : Quod ea conti-
 „ net , quæ Monasterium illud sinè omni
 „ controversia illo tempore obtinuit ;
 „ quando ipsum Privilegium præceptum
 „ est renovari. Et hæc sunt , quæ in ea
 „ vidimus , & invenimus esse ipsius Mo-
 „ nasterii sine omni contradictione , Simo-
 „ ne Quinque Ecclesiarum Episcopo jus-
 „ su Regis , & consensu bezprinensis (h)
 „ Episcopi , diligenter perscrutante , &
 „ veritatem rei Regi Christianissimo Co-
 „ lomano referente .

, Vi-

(g) Exinanitam fidem dicit , non quod redditum es-
 set invalidum , & invigorosum , sed ne *apertio* , calumnian-
 di occasionem præbeat adversariis Monialium ; quasi ali-
 quid esset erasum , vel additum : ut proinde & ipsis plenio-
 rem fidem faceret ; renovatum est , seu titulo *novæ Dona-*
nationis possessiones earum confirmatae . Sanè hoc Privile-
 gium coram multis Regibus Hungaricæ dein productum ,
 & ab ipsis pro authentico , vigoroso , non cancellato , non
 abraso , agnatum , & roboratum est : ut infra uberioriis di-
 cemus . Estque hodieum magnum illud Sigillum ce-
 reum (de quo supra) de medio Membranæ perforato ,
 firmiter ex ligula membranacea pendens .

(h) Ita scribit : accommodatiū ad originem Vocis
 Alemannicæ *beisbrun* , seu *Weißprun* , *albus fons* , à quo

„Videlicet Villa Zaarberin (i) cum
 „quinquaginta quatuor mansionibus, &
 „totidem vineas: Ita ut quælibet man-
 „sio annuatim dicto Monasterio sexagin-
 „ta cubulos (k) vini debeat administra-
 re.

olim ; Oppido nomen inditum à Teutonibus : assumptum,
 & detortum ab Ungaris : Qui fons (*vulgò Fehér-kút*)
 prope Arcis petram ubertim scaturiens , multis sæculis,
 ejusdem Arcis Custodibus , & Civibus (omni alioquin
 unda destitutis) salubres aquas per antreas affundebat.
 Nostrâ memoria frivolis de causis obturatus ! maximô
 Arcensium commodô reserabitur ; dum munificentissi-
 mis moderni Excellentissimi D. Possessoris , pro commo-
 do suorum Civium maximè Zelantis , sumptibus , antreas
 reparatæ fuerint. Ex quo simul collige , longè à vero re-
 cedere eorum opinionem , qui Oppido illi nomen indunt
 à *veszsz-prém* , *peri-fimbria* : Quali Gisella , S. Stephani
 Confors , Cath. Ecclesiae fundatrix , hoc dicto , fimbrias
 ipsas suarum vestium pro consummandâ hac Ecclesia ,
 vñnum dederit. Sanè locus ille jam tum Florentissimus ,
 & Episcopatu dignus , *Anonymus* haud fuerit : Neque
 tamen isti antiquius nomen assignant ; sed nec uspiam ta-
 le reperitur. Sed nempe ex *beisprun* *Veszsz-prém* derivâ-
 runt , ut ex Lotaringus *Lator-inges*.

(i) Est Villa , seu possessio sat populosa , adjacens
 Lacui Balaton , in Cottu Vesprimensi , circumdata feracibus
 vineis , quem hodie dicimus Szárberén , & frequentiùs
Vörösberén : A gleba rufa , rubeisque lapidibus illic fre-
 quentibus. Nominatur etiam in Synodo Pazmaniana ,
 inter Parochias exemptas. Quam dum Péterffius in suis
 Conciliis Ecclesiæ Üng. reprimeret ; vitiosè expressit
 Szász-berén , seu *Saxonicum berén* : Contra fidem Diplo-
 matum , & priorum Editionum ejusdem Synodi.

(k) Modus loquendi per *Cubulos vini* , (*egy Kőböl-*
bort) hodiecum in illis partibus durat : non secùs ac
 circa Matram , ad Gyöngyösinum , & alibi. Est autem

„re. Sed terra ad ipsam Villam perti-
 „nens, est communis: (l) Et sylva ipsius
 „Villæ habitatoribus (m) præter sylvam
 „Coquinæ, quæ circumjacet in metis (n)
 „Secunda Villa *Mama*, in qua sunt
 „aratores, plaustrales (o) & alia officia,
 „pro utilitate Ecclesiæ exhibentes, juxta
 „præ-

vini cubulus paulò minor mensura, quam Urna partium
 earundem, quam magnam, seu *Nagy-akó* vocant. Sanè
cubulus vox diminutiva ex *Cubo* (*Italis Cabo*, in Partibus
 etiam maritimis, teste experientia, mensuram non liqui-
 dorum, sed solidorum, ut frumenti, salium, reliqq. si-
 gnificat.

(l) Seu non divisa secundum numerum *Mansionum*,
 seu *Sessionum* Jóbbagyionalium: Sicut erant divisæ *Vineæ*.

(m) Subauditur per *Zeugma*: est communis, sed so-
 lùm habitatoribus Villæ.

(n) *Sylva Coquina*, quæ hodie dum Konyha-erdeje
 vocatur (eo quod inde ligna advehentur ad usum Culinae
 Monialium) jam tum erat metis distincta, & ab altera
 sylva, habitatoribus Villæ communi, signis metalibus di-
 visa, ac soli Dominarum usui reservata.

(o) Hodie nulli in *Mama* aratores: nisi quatenus
 agrorum usum, Dominus Terrestris, Berényiensibus
 permittit. Villa injuriis temporum desolata, ad Caput
 Balatonis lacus, inter Sándor, & Berény; præter tem-
 pellum S. Ladislai, & nuper adpositum huic *Eremitorium*
 (Sacerdote, & Laico Anachoretis instructum) ædificiorum
 nihil ostentat. Unde illi Matris (*Mama*) nomen? incer-
 tum. Matres *Mamas*, Patres *Tatas* jam à pueris Roma-
 nis vocari solitos, testis est Martialis lib. I. Epig. 82.
 dum seniculam puellam, his tenerorum vocibus uti so-
 litam, hoc sale Poëtico adsperrgit:

Mamas, atque Tatas habet Afra: Sed ipsa Tatarum:
 Dici, & Mamarum maxima Mama potest.

„ præceptum Abbatissæ dictæ Ecclesiæ;
 „ tempore constituto (p)
 „ Tertia verò Sondur, (q) in eadem
 „ Libertate. (r)
 „ Quarta Kensæ. (s)
 „ Quinta Chitim. (t)
 „ Itas quinque Villas, nostros Udvar-
 „ nicos (u) dicto Monasterio dedimus ju-
 „ , re

(p) En *Urbarium compendiosissimum*: *Laborabitis*, *quantum iussi fueritis*, pro ratione temporis, Seu, *Ara- tores*, & *Plaustrales*, id est *Currigeros*, & alia *Officia*, seu servitia exhibebitis; *juxta præceptum Abbatissæ*, tempore, quod vobis constituetur. Et hac *Regula*, vel *præscriptō* *Urbariō* non solum *Mamenses*, sed & alii harum *Monialium* subditi, à tempore primæ *Fundationis*, regi adfuerunt.

(q) *Sondur* scribit *Colomanus*: *Sondor* græcis cha-
racteribus *S. Stephanus*. Hodie passim *Sándor* vocamus.
Estque desertum, seu *Prædium*, usibus *Kenesiensium* con-
cessum.

(r) Qua nempe *Mamenses* sunt regulati: Ut scilicet pro *Monasterio* laborent, quantum iussi fuerint.

(s) *Kensa Colomano*: *Knesa S. Stephano*, posteriori-
bus saeculis (ut & hodie) passim *Keneſe*, scriptum in-
venias. Locus amplius, ac populosus: ut quod *Sándorienſes*,
& *Chitimienſes*, desolatis suis Villis, passim immigrarunt.

(t) *Chirim*, græcè *Tsitim* exprimitur: hodie passim *Czitén*.

(u) Erant ergo *Berényenses*, *Mamenses*. *Sándorien- ses*, *Kenesienſes*, *Cziténienſes*, continua serie, *Balatonis Lacus Caput cingentes*; omnes *Udvarnici* (*Udvariak*, *Udvari Jóbbág yok*) seu Regiæ Aulæ obsequiis deputati, priusquam à S. Rege in honorem B. M. V. *Monasterio Veszprimienſi* donarentur.

„ re perpetuo (x) possidendam. (y) In
 „ istis quinque Villis, videlicet *Mama*,
 „ *Sondur*, *Kensa*, & *Chitim*, non est ter-
 „ ra communis, (z) & tota terra ipsarum
 „ Villarum, scilicet *akaratja* circumja-
 „ cet in Metis. Nec alicui liceat habita-
 „ re, nisi prius Domina Abbatissa volun-
 „ tate admiserit. (aa) „ Item

(x) Sive ut exprimit S. Stephanus: *Donec steterit Cælum, & Terra, ut sint Monasterii.*

(y) Ita habetur in Originali, reclamante licet Grammatica. Sed latinitati ejus ævi etiam *Critici* dant veniam.

(z) Sicut nempe suprà dixit, in Zaarberin esse communein. Unde hac excepta, dicendum erat: *In istis quatuor Villis.* Sed venia iterum sit Cancellario.

(aa) Et ab hac *Voluntare* Abbatissæ tota terra ipsarum Villarum (seu tota plaga, quæ intra Szent Király-Szabadja, & Balaton fő-kajár, juxta Balatonem Lacum, latè diffunditur) dicta, & vocari cœpta est *Akaratja*, id est: *voluntas ejus*: quam hodie *Akaratty* scribimus. & pronunciamus. Cum tota illa plaga, jure perennali, Abbatissæ, ejusque Monasterio sit donata, & expresso etiam hoc privilegiō munita; ut ibi nullus populus, nullus homo particularis condescendere, & habitationem figere præsumat; Nisi Abbatissa, de bona *voluntate*, seu sponte, & liberè, ac benevolè admiserit: Confer. quæ Werbóczius refert p. 1. t. 84. §. 1. & seqq. Hodie nomen *Akaratja*, seu *Akaratty* adhaesit illi solùm plagulæ, quæ post dorsa collium Czitén, ad Balaton-fő-kajár procurrit: Paseuis lœta, nuper etiam fertilibus vinetis coli cœpta. Quam alendo, & multiplicando pecori olim serviisse, indicat noscibilis locus Allodii, passim *Apáczák-Majorsága* dictus: ex cuius ruderibus, egestisque fundamentis, vicini *Kajarienses Calvinicola*, ante non multas Menses, Ecclesias suæ, Turrim præaltam adjecerunt.

„Item, Villam *Vámos* (bb) cum decem
mansionibus: In qua sunt operatores,
scilicet fabri, & alia servitia exhibentes:
(cc) Et terra est communis.

„Item, S. Rex Stephanus dedit Vil-
lam *Položnik* (dd) cum octo mansioni-
bus: sed terra est communis.

„Item, S. Stephanus dedit Villam
Podrug (ee) quarum (ff) terra non
est communis, sed circumjacet in me-
tis.

„Ita tamen, quod dictas Possessiones
tam in Decimis, (gg) quam in Magi-
stratibus Capellæ (hh) dictarum Villa-
rum,

(bb) Pagus est hodie frequens, Veszprimio conterminus.

(cc) Potiorem Loci partem defacto Nobiles incolunt.

(dd) *Položnik*, Villa mediocris prope *Füred*, & *Ti-
bán*, ad Lacum Balaton; cui Ven. Capitulum Veszprim.
hodie dominatur. Hic erat ille *Mororum Cultor*, cuius
per expressum meminit S. Stephanus.

(ee) S. Stephano *Podrog*, hodie passim *Padrag*, vicus
modicus, ampliè terrenò, in mediis sylvis Bakonyiensi-
bus, intra *Simegh*, & *Váson-kő*.

(ff) Salvis Grammaticæ legibus debebat dicere cuius
villæ, non quarum.

(gg) Utpote à S. Rege, Episcopatus, & Monasteriis
Fundatoris, in perpetuam Eleemosynam, ac sorte in fun-
dationis, Monasterio dona: ac plurium iam sœculo-
rum usu robora:is, & coram Regibus, legatique Aposto-
lico, semper feliciter defensis: ut præter Diplomata,
Processus superinde extantes probant.

(hh) Seu jure Patronatus: Id est Jure eligendi, ac
præsentandi Pastores, qui sunt præcipua, digniorque
Pars Magistratus Capellarum) & alios Curatores Eccle-

„rum, Episcopus bezprinensis in nullo
 „debeat molestare, vel in aliquo pertur-
 „bare. Totum (ii) Monasterio nostro
 „duximus pertinendum: sicut in Dona-
 „tionibus Regalium extitit consuetum.
 „Et eadem Dominæ in Consecratione
 „Chrismatis, & Olei, Ecclesiæ Sanctæ
 „Strigoniensis (kk) pertineant.

„Item, S. Rex dedit portum, & Nau-
 „lum *Szigetfeo* (II) vocatum; cum se-
 „ptem Naucleris; & in Villa *Tikus*; eis-
 „dem fundum Curiæ, & Viam.

„Item, S. Rex dedit quandam Insu-
 „, lam

fiarum, quæ sunt in his Villis; cæteraque providendi,
 quæ sunt Patronorum.

(ii) Id est: & Decimas, & Magistratum Capella-
 rum, seu Jus Patronatus: Quod vehementer læsum est,
 dum alieni à fide, & Religione legitimorum Possessorum,
 ipsis reclamantibus, nec tamen impedire valentibus, è
 Schola Debrecinensi *Declamatores*, per factiosos, & con-
 tumaces subditos, Rákóczianis tumultibus fretos, in has
 Capellas, armatu manu intrusi sunt. Quos Serenissimæ
 Reginæ Zelus, ac Pietas, solum vertere, propediem con-
 pellet.

(kk) *Strigonienſi* scribere debebat: Cui velut Metro-
 politanæ Ecclesiæ, ab Ordinarii jurisdictione exemptas;
 immediatè subjectas S. Rex voluit: Non verò immediatè Se-
 di *Apostolicæ*, prout constituit circa Monasterium S. Mar-
 tini, Montis Pannoniæ. Et ideo etiam *Monasterium* ipsa-
 rum ſepiùs vocat *Metropolitanum*.

(II) Est *Szigetfeo*, seu modernè *Szigerfő*, infra Rácz-
 almás, in citeriori rippa Danubii, Comitatu Albensi su-
 pra Födvarinum.

„iam *Obada* (mm) vocatam, & cum illa
 „dedit Villam *Zántbov*, (nn) ultra Da-
 „nubium: cum triginta mansionibus, &
 „Magistratibus Capellæ. Item, in De-
 „dicatione ejusdem Monasterii, viginti
 „mansiones. Sunt etiam in eadem Villa
 „duodecim pescatores. Tota terra ipsius
 „Villæ Dominii Abbatissæ est in metis.
 „Quarum meta sic incipitur:

„A parte superiori, in fine ejusdem
 „Villæ, meta lapidea: Deinde vadit

I ,ad

(mm) Correspondentem, ut appareat *Zanthoviæ*. Quæ
 juxta contextum græcum S. Stephani videtur etiam vocata
 fuisse *Sz. Háromság-Szigete*. Insula S. Trinitatis.

(nn) Alii scribunt *Zántov*: Sicut *Jászow* in superio-
 ri Ungaria. Sed modernè scribendum videtur *Szántó*,
 id est, *Arator*: Cùm Z. illud priscorum Ungarorum, æ-
 quivaleat in plerisque nostro Sz. sic illi scripsere: *Zent*,
Zabó, *Zarka*; Nos: *Szent*, *Szabó*; *Szarka*. De hac Vil-
 la græcus textus inquit: Habet Aratores 60. Pescatores ad
 Danubium 12. Fabros lignarios 3. Ferrarios 2. Lagena-
 riuum 1. (Csobolót és Vörös-gyurkótsinálót, aut Kádárt,
 seu Vietorem) & Tornatorem 1. *Ac suprà*: Et loci trajectum,
 simul etiam Transvectores 7. & Telonium Fori.
 Unde insignem tunc locum esse oportuit: Cùm tot Ara-
 tores, Opifices, Naucleros, & Trajectum Danubialem, ac
 Telonium ForeNSE, proinde Jus Nundinarum, alias Ur-
 bibus solùm, atque Oppidis conferri solitum habuerit. Est
 hodiéque Locus in *Bácskaság*, seu Districtu, & Comitatu
Bácsiensis sat celebris, Incolarum numero frequens, rei pe-
 cuniariz, ac pectorioriz exerceenda peropportunus; Situs pro-
 pe *Bajam*, *Vörös-Márton*, ac *Battinám*, ubi Trajectus
 ille per Danubium: quem tamen hodie, *Ungari* quoque,
 cum Rascianis, posterioribus Loci incolis, passim vocant:
Szántov, scilicet ex radice Ungarica: *Szántó*.

„ad Orientem, ad metam terream, quod
 „vulgariter érbát vocatur: Deinde vadit
 „in duas metas terreas: Deinde ad metas
 „tres terreas: Posthac vadit ad Partes
 „Meridionales, & ad magnam viam in-
 „jungitur. Deinde vadit ad Monticulos,
 „& ibi stat meta lapidea, quod *Bálvány*
 „vocatur. Deinde revertitur juxta viam
 „magnam, & veniet assidue ad Nemus,
 „quod jacet juxta fluvium Danub-i: &
 „sic terminatur. (oo) Totum Telonium
 „Fori, ac alias utilitates ejusdem Villæ
 „constituit.

„Item, S. Rex dedit quāndam Insu-
 „lam *Sild* vocatam, (pp) cum terris, &
 „lacunis, & decem mansiones ad pro-
 „curationem pecudum: (qq) Et in illa
 „In-

(oo) En *Mesales* vetustissimas, tanta accurratione con-
 scriptas, ut majore nec hodierni conscriberent. Quæ tamen
 in textu græco S. Stephani haud reperiuntur. Unde patet
 Regis Colomani jussu confectas: vel saltē ejusdem consen-
 su roboratas esse.

(pp) Alii scribere malunt *Syld*, aut *Szild*, sed parūm
 conformiter Originali. Impedita est hæc Monialium pos-
 sessio, à Dominico, Filio Joannis de Vadász, alisque No-
 bilibus, coram Palatino, Nicolao Konth de Hédervára: Sed
 Monialibus, cum omnibus appertinentiis adjudicata, An.
 1364. Metalésque jussu Palatini, & Tabulæ Octavalis, à
 Capitulo Budensi confectæ, & in membrana expediteæ.

(qq) Mansiones ad procurationem pecudum hodie
 vulgariter *Szállás* dicimus: Quales si erant hæc 10. Mansio-
 nes; ampliam omnino Insulam esse oportuit.

„Insula habent pescatorem sturionum:
„(rr) sed terra non est communis.

„Item, dedit Villam *Sorlos*, (ss) ad
„procurandas apes (it) sed terra est com-
„munis.

„Item, dedit S. Rex Villam *Girinchar*

I 2

,,(uu)

(rr) Itali, præsertim Veneti, *Husones*, quales in Da-
Danubio capimus, ex Adriatico advehi solitos, vocant
Sturioni. Et hoc sensu, voce *Sturio*, usum fuisse Colo-
manum, probabilius est. Ut proinde pescator pro pi-
scatura: *Sturio* pro *Husone*, isthic positus fuerit: Cùm
Danubius peculiari es Sturionum nostratum (vulgò *Kecsege*)
piscaturas, seu *Tanyas* Ungaricis, haud ostentet, bene mul-
tas autem Husonum.

ss) Alii scribunt *Sarlos*, aut *Sarlós*, id est, habens
faleem messioriam: Qualiter diciunus etiam *Sarlós Boldog-*
Azszony napja. Hanc Villam, in Comitatu *Baranyensi*
existente, Anno 1224. Moniales dedere modo feudali, &
administratorio, unde eum Molendinis Montanis (seu vento
impulsis) Terragiis, & Censibus, Abbatu Nicolao O. S. B.
de sub radice Montis ferrei *Varadiensis* (seu Pécs-Varod)
Ea conditione: ut tam in victualibus, quam pecuniis duas
partes in Civitate Castri *Simegiensis*, pro Monialibus depo-
nat effectivè; Tertiam pro fatigis sibi reserveret: ut restatur
Fassio coram Conventu Beati *Ægidii de Simigio* (id est : *Somogy-Vár*, cuius hodie dum Rudus vastum, cum subiecto
 pago, juris Széeseniani, intra Lak, & Lengyel-Tóti, à quo
Somogyság, *Somogy-Vármegye*, seu Comitatus *Simegiensis*, ut
ipsius ejus Sigillum præsefert, & non *Simegiensis* cimicata.

Mortuo autem Abbatu Nicolao, Episcopus Quinque-Ec-
clesiensis eandem Villam *Sarlós*, violentè invasit; & occu-
pavit, à quo non nisi Viâ Juris recuperari potuit.

(rr) Non modò Liberalitatem, sed & Providentiam S.
Regis mirari subit, ut qui de procurandis etiam apibus co-
gitarit.

,, (un) in eadem libertate : sed terra est
,, communis.

,, Ex omnibus possessionibus istis non
,, habet Abbatissa aliquot Servientes cum
,, equis; nisi solummodo sexaginta : (xx)
,, Et tres mansiones Carpentiariorum: (yy)

,, Et

(un) Græcus textus , magis ad Slavonismum acceden-
do habet Grintzár : Quod hodie passim Gerencsér dicimus
& scribimus. Pertinetque ad Monasterium Bakonybélien-
se O. S. B. quod cambialiter pro illo dedit Monialibus pos-
sessionem Balaton-fő-kajár : cuius supra meininiimus.

(xx) Qui scilicet obligarentur pro Defensione Regni,
loco Monasterii militare : Dicti Servientes , seu Nobiles , sed
cum restrictione , non Regis , aut Regni (qui sunt simpliciter,
& absolute Nobiles) sed Monialium : Apáczák Nemesei :
Sicut Püspök aut Ersek-Nemesei , Károlyan-Nemesei ,
Apátur-Nemesei , seu Prædiales , & Servientes Episcopi ,
Capituli , Abbatis , Reliqq. ut sunt Verebélyienses , Vajken-
ses , Vecsenses , Bácsenses , Reliqq. Et sub Banderio (fuisse
enim hoc Monasterium Banderiatum ; vel ex numero Equi-
tum patet) Abbatissæ . Sexaginta tales Prædiales , suis Equis ,
Armis , & Stipendiis , Regia Cætra sequi debebant ; ob Præ-
dia , & fundos , quos à Monasterio sub hac obligatione possi-
debant , durante ipsorum sexu Masculino : Quò extincto ea-
dem Prædia , & fundi denuò ad Collationem Abbatissæ re-
cidebant : ut sit etiam in prædiis aliarum Ecclesiærum .
Quales Prædiales , præsertim in Szár-Berény , seu Vörös-
Berény , velut Capite Bonorum , Ecclesiæ vicino fuisse ; haud
dubitare licet : Et indicio sunt , Vineæ , aliisque fundi , pas-
sim à Nemessek , seu Servientium , & Prædialium vocati . Quam-
quā eorundem Possessores , aut Usufructuarii , jam omissò præ-
dicatō , Apáczák , simpliciter sese Nemessek vocitare affectent .

(yy) Carpentarios vocat , quos Fabros lignarios dici-
mus : Ex Italica nempe voce : Carpentaro . Unde due man-
siones Fabrorum , quarum mox meminit ; fuerunt sane Fa-
brorum ferrariorum . Et clarius S. Stephanus hos Fabros di-
stinxit , in lignarios , & ferrarios : n̄t supra adnotavimus .

„Et duas mansiones Fabrorum: Et unum
 „Tornatorem: Et Custodem lagenarum.
 „(zz) Cæteri omnes, vel sunt Vinitores,
 „vel Aratores, & alia servitia exhibito-
 „res.

„Item, dedit S. Rex Portum Modocheas
 „(aaa) quod *thona* (bbb) vocatur; cum
 I 3 „de-

(zz) Fors eundem vocat Colomanus *Custodem lagenarum*, quem S. Stephanus dixit *Lagenarium*: Per quem nil verat *Vietorem*, & *Cellarium*, seu *Fabricatorem*, & *Curatorem* *Viniorum Vasorum*, & *Vasculorum* intelligere: Seu illa dein voces *Hordók*, *Csobolók*, *Vörösgyurkók*, seu quovis alio nomine thecas vinarias exprimente.

(aaa) Locus iste in subsequis Donationalibus, Statutoriis, Metalibus, Adjudicatoriis, aliisque authenticis Documentis passim vocatur, & scribitur *Part-Madócsa*, aut *Part-Madócsa*, scilicet à *Porzu*, quo celebri, ac utili gaudebat, in citeriori parte Danubii, circa *Földvarintum*. Infestabatur præsertim à Georgio Abate de Madócsa (Itidem ad Danubium, infra *Földvár* existente) & à Nobili Nicolao de Pákus, Possessore Villæ *Harra*, quæ contermina est *Part-Madócsæ*: Sed triumpharunt semper Moniales. In quarum gratiam dein, Albertus Rex noster *Part-Madócsam*, & præterea duas ipsarum, eidem vicinas possessiones, scilicet *Kört-vély*, & *Kiskormó*, ex Tolnenfi, transfudit in Albensem Comitatum, Annō 1439. super quo exstat Diploma ipsius sub pendentí sigillo. Quæ cùm ob virtutis præstantiam, Sanctitatisque famam (ob quam & Bela IV. S. Margaritam filiam suam eisdem educandam concredidit, DEO, hominib[us]que amabiles, & gratijs fuerint; nil mirandum, quod successu temporis plures adhuc possessiones Regum, & Privatorum Donationibus, aliisque justis Titulis eisdem accesserint: ut circa ipsum Veszprimium possessio *Kemeche*, cum *Molendino*, *Korlat-Malma*, dicto: Item, *Charár*, *Tákerös*, *Tóthmező*, *Menyeke*,

,,descensu ad p̄ficationem Usonum , &
 „ad opus Monialium , S. Mariæ servien-
 „tium. (ccc)

,,Ve-

Jutas , & *Kis-Berény* , penes Szár-Berény : Præter alias re-
 motiores , quas ipse S. Stephanus præter recensitas contulit.
Tunc , *Kökne* , *Zal'* .

(bbb) Quod Gotticis characteribus *zbona* scribitur ,
 nunc passim *tanya* se ibimus . Quæ vox Ungarica locum
 p̄ficationi aptum denotat : Quales in illis Danubii partibus
 sunt , hodièque frequentes . & lucrosi . Specialis tamen hic ,
 & eminens esse debuit , cùm per Antonomasiam hoc sibi
 nomen vendicaverit : Habue ique aliis commodiorem , &
 majori sumptu factum *descensum* ad Caput am *Usonum* , seu
Hufonum . Unde credibile est , fuisse etiam *Udvarnicalem* ,
 seu Regia Aulæ Budensis usibus deputatum , priusquam Mo-
 nialibus donaretur : Sicut *Zárbérén* , & aliæ possessiones ,
 quaruin sub initium meinimimus . Nec tamen ad solam
Caput am Usonum , donata illis fuit *Part-Madócsa* , sed
 & ad opus *Monialium* , ut statim additur , seu ad labores
 etiam alios , usibus œconomiae , ac Monasterii utiles .

(ccc) *S. Mariæ Servientium* . En motivum impulsivum
 tam ampliarum Donationum ! Quia nimirum Moniales ha-
 serviebant *S. Mariæ* , *Reginæ* , ac *Patronæ* Ungariæ : Cu-
 jus cultum , ac venerationem S. Stephanus , aliisque piissimi
 ejusdem Successores , quovis sumptu promotorum ibant in
 cordibus suorum Subditorum . Hinc sicut pro Viris , Al-
 bæ-Regalis , Basilicam , & Capitulum opulentissimum , ita
Veszprimii , pro sexu sequiore , Abbatiam , & *Monasterium*
Metropolitanum , *Banderiatum* , & possessionibus *circum-
 vallatum* , posuere . Unde post Cladem Mohácsianam , *Kör-
 mendinum* , Comitatui Caitri Ferrei ingremiatum (exstru-
 ctō illic in Foro , ampliō Monasteriō , latifundisque com-
 paratis) demigrarunt ; potioribus Veszpriniensis Mona-
 sterii , ac Templi Lapidibus , pro munienda contra Turcas
 ejusdem Loci Arce successivè adhibitis . Rudera , quæ ho-
 diedum visuntur , ampliū veteri forma exstructum opus
 fuisse probant . Ex horum parte , Collegii Jaurin . S. J.

P-

„ Vetus autem Privilegium , juxta lin-
 „ guam Authoris Monasterii græcè scri-
 „ ptum , (dd) ideo adnotavimus ; (eee)
 „ ut ex concordia veteris , & novi digno-
 „ sceretur certitudo Veritatis : Licet jux-
 „ ta investigationem Quinque-Ecclesia-
 „ rum Episcopi , (fff) appolita sint quæ-
 „ dam in novo , quæ non inveniuntur in
 „ veteri , & quæ Sanctæ Ecclesiæ accre-
 „ verunt in processu temporis . Qui cum
 „ que autem aliquid de his , quæ in hoc
 „ Privilegio continentur (sicut vidimus

, in

Patres (in quos , extinctis Kermendini Sanctionalibus ,
 Donatione Impp. & Regg. Ferdinandi II. & III. ante seculum , Jura Monasterii , in sortem Fundationis translatæ sunt)
 in honorem , & memoriam primæ Loci Patronæ , B. M. V.
 in Cœlos Assumptæ , ædem sacram posuere .

(ddd) Per Auborem Monasterii , cui lingua Græca
 propria fuerit , intelligit probabilius Abbatissam , seu Præ-
 fectam Monialium primam , quæ sacram hanc Coloniam ,
 invitante S. Stephano , Vesprimum deduxit , ibique Mo-
 nasterii ædificium , juxta morem S. Ordinis Basiliani dire-
 xit , & instituit . Quæ ut Fundationalium literarum con-
 tenta , absque interprete intelligeret ; Eas Rex Sanctus Fa-
 miliani , ac nativo ejusdem idiomate expediri jussit .


(eee) Non quidem verbaliter interpretando , sed quoad
 sensum , & substantiam , latina reddendo . Imo etiam a-
 liqua addidit , quæ nempe processu temporis sanctæ Eccle-
 siæ accreverunt ; seu Donatione subsequorum Regum , seu
 aliis justis Titulis : quibus isthic Colomanus , pari cum
 Fundatore potestate pollens , consensum suum Regium
 præbuit .

(fff) Nempe Lingua Græca optimè gnarus , inter
 præsentes ex Mandato Regis Prælatos , & Regni Barones .

„ in Privilegio S. Regis Stephani) præ-
 „ sumpserit minuere; Maledictioni justi
 „ Judicis DEI, & S. Mariæ, & omnium
 „ Apostolorum, & omnium Fidelium Dei
 „ sicut in veteri privilegio scriptum est)
 „ subjaceat: (ggg) Et Legem Regni, de
 „ pervasione Ecclesiæ DEI, persolvat.
 „ (bbb)

(ggg) Repetit Maledictiones, & Anathemata S. Stephani super eos, qui ex Bonis hujus Monasterii aliquid sibi appropriarent. Quibus Maledictionibus subjacere horrendum omnino est animæ, *DEUM, justum Judicem* formidanti: Ut quæ, inter millenos Conscientiarum remorsus, illud idem eidem auribus suis ingeminari audiat: *Quid prodest homini, si universum Mundum lucretur* (aut rapiat, possideat, usurpet) animæ verò suæ detrimentum patiatur?

(bbb) Colomani Decr. 1. cap. 1. ita statuitur: Placuit Regi, & communi Concilio. ut Dotes Monasterii, seu Ecclesiis à Beato Stephano Rege dispositæ, inconvulsæ remaneant. Per quam Regni Legem stabilitur procul dubio etiam Fundatio ejusdem B. Regis pro sèpè dictis Monialibus facta. Et probabilitas censemus, in hoc ipso Concilio, seu Regni dicta, præsidente Colomano celebrata, Græcum illud S. Stephani Privilegium productum, renovatum, & latine redditum, ac confirmatum fuisse. Nam plures tunc S. Stephani Foundationales productas fuisse, non obscurè innuit ejusdem Decreti cap. 15. & 16. per quæ jubentur auferri Monasteriis, & Ecclesiis, piscinæ superflue, & pistriñæ publicæ (Sító-házok) præter illas, quas S. Stephanus Rex donaverat. Lex tamen illa Regni pœnalis (pecuniarum nempe, aut juvencorum solutionem imperans) de pervasione Ecclesiæ DEI, cuius isthic fit mentio, in Colomani interpretatione, hodie inter Decreta S. Stephani, aut Colomani haud reperitur: Unde injuriâ temporis ex reliquis Capitulis exciderit, aut oscitantiâ Collectoris omissa fuerit.



RA 2999

